

南洋官報

旬報 第三十二卷 十二月二十二日

NAN YAN KWAUG PAO.

ISSUED THREE TIMES PER MONTH.
Nan King

聖訓

論撰 建築為文明之母說

內政 江西道監察御史劉奏保舉過濫請剔除積弊摺○政

務處奏考覈州縣事實開單分別勸懲並另擬畫一章程摺

外交 刑部奏重定上海會審公堂刑章摺○贛撫胡札飭稅

務總局文 蘇撫陸奏設立仕學館並增設法政學堂片○又奏蘇

學務 省開辦游學豫備科請飭學部立案片○福建學政秦臚陳辦

理學堂情形並酌擬章程摺○南京幼稚園開辦簡明章程○

湖北廣藝興公司英東文藝學備章

軍政 練兵處奏將弁學堂卒業宗室及滿漢侍衛請發各軍

隊任用片○練兵處咨行各省測繪行軍地圖文○軍學司正

使馮上北洋大臣稟○長江水師遊擊吳上程提督稟○江南

陸師學堂畢業生聶和彬上贛撫稟○安徽督練公所詳定新

軍操場規則

財政 工部奏核銷長江水師金陵湖口兩船廠修造長龍等

船用過工料銀兩摺○但觀察考求東洋銀行大略情形上鄂

督湘撫說帖

商務 戶部奏遵旨議覆米禁展限並擬確查米捐摺○

盛京將軍趙札委勸諭出洋紳商經營東三省商務文○上海

道札會丈局文

雜誌 三藏防務考○彙錄陝藩司樊方伯公牘批詞

附練習各體文字講義

植物學講義

全書十卷凡七百餘頁第一二三卷譯成餘俟續譯

日
本
三
好
鄉
都
藻
學
譯
著


二月辛未

上幸內院

諭諸臣曰朕獨理萬幾常恐是非失於偏執故令集衆會議及衆議之時有羣以爲是而人堅執己意謬相爭論者殊屬未合夫既羣以爲是卽當從之若常懷好勝之心明知其非而猶強辯不但政事有妨且虧國家大體急宜痛改大學士陳名夏奏曰仰承

上諭小事猶煩戒飭若遇大事何敢不謹識於衷以圖改易大學士馮銓奏曰凡謬相爭論者必不自知其非若果知之豈敢如是古云君仁則臣直蓋止欲直陳所見故不覺其言之謬也旣承上諭敢不祇遵但恐不自知耳

上曰所謂君仁則臣直者所見是而直陳之斯乃直臣也豈飾非強辯之
爲直乎若執意妄行致蹈重罪朕雖欲寬國法難貸且朕卽寬而用之
彼亦何顏自立朕之心爾等所知爾等之心朕亦知之君臣一體豈有
閒乎諭舉大學士額色黑圖海議政內大臣巴哈費揚古等奏曰
皇上此諭蓋欲諸臣遇有過失預行省改恐蹈重罪故煩教誨耳俱當悔
悟且謹識之



論撰

建築爲文明之母說

今世界一文明之世界乎爲光氣爲電力開物成務民事斯賴此天之文明也有車軌有航纜規山範水大陸一新此地之文明也衣冠萬國玉帛五洲處其間者學識之宏達思想之新穎藝能之奇創事業之擴張磅礴貫輸直使瀛寰大地圖上若紅若棕若黑諸界色中窮荒僻島灌木叢莽狃榛榛之民族激刺感染奮其神經如際曉時聞海波盪漾朝曦熊熊有一躍而出黑闇之景象此人物之文明也嗟乎文明之潮流由亞而歐而美而浸淫於非澳而分其支而別其派而復旋滙於東亞之一洲謂是爲天運歟太虛冥冥孰主宰是乘除剝復雖有其機吾曾不得而意測也謂是爲地道歟大地膊膊孰鍾毓是鼓盪發生雖有其說吾究不得而確知也然則仍在人力人力所能施者包符之秘天不得緜其樞焉富媿之藏地不得愛其寶焉二氣所網縕五行所孕育動者植者蘊葬而布獲者若吸取之若闡出之披斬抉擇分化配合經營構結以有此文明之世界故世界文明人爲之也人能造此世界之文明究其原因則自建築始

曷驗之夫文明者其名詞爲野蠻之對待卽吾國曩日開草昧爲文明之說也自黃河流

域人羣肇興有宮室之建設而巢穴之毒害乃去矣有城郭之建設而疆場之保衛乃嚴矣有舟車之建設而山川之隔闕乃通矣有器用之建設而衣食之取給乃備矣於是禁爭奪定制度作禮樂辨等威巍乎煥乎是爲東亞文明之初祖沿是而西爲印度爲巴比倫爲埃及相繼進化則爲恒河流域之文明漸衍及於幼發拉河尼羅河之時代其浸而至於地中海也則爲希臘羅馬之文明焉其推而至於大西洋也則有英之強法之霸德意志之中興美利堅之獨立遞著文明之治績焉今且漩迴不已西極復東東瀛三島乃於太平洋中樹一文明特色之標幟模型所範同化我國使我學界之朽腐軍界之疲弱農工商界之窳敗一洗舊染如中落之家厦屋欹斜牆垣傾圮軒窗欄檻丹漆剝落必建正之補葺之塗澤而藻繪之乃能嶄然煥然與文明諸國相頡頏於二十世紀之新世界是文明原起我今日不得不尋究而討論之者也

吾國古昔制作時代與夫海洋各國一千餘年沿革之歷史吾誠不及縷述之第以美洲言美之一洲今所稱爲新大陸者其始蓋亦一荒壤也荆棘之所壅塞蛇虺之所盤踞人民寡乏土番錯雜草昧之象莫此爲甚曾幾何時而都邑之繁富風景之優美人物之華好貨財之闐溢卽紐約一處其文明之象有爲記載所不備詳圖繪所不能盡者比於英

倫敦法巴黎德柏林殆有過之無不及焉然而其所原起則必勞工聚而後地利闢地利闢而後原料富原料富而後製造興製造興而後業場大業場大而後財用豐財用豐而後敷設備今日之美號爲合衆之文明國者其得力於建築明明爲可證也不啻惟是卽如日本非藩部擅命君如守府武嬉文弱泯泯沒沒受制強敵不絕如綫之蕞爾國乎乃明治維新以來有學堂之建築而學業精有軍隊之建築而軍事振有農工商場之建築而實業興有路軌船塢之建築而水陸之交通便世之稱日本者曰文明國文明國文明國之發起在於建築然則建築一道謂非文明之母也得乎

吾蓋觀之於學界矣今學子之學經史而外兼及諸藝有修身倫理以養其人格有格致理化以濬其腦靈有測算圖繪東西語文以廣其才技有柔輦體操兵式體操以練其強毅之精神貫古今則上下數千年通中外則縱橫幾萬里而國家思想政治思想人羣進化種種公德之思想視我曩日之學尋章摘句揣摩剽襲據其一得強迫子弟使之屏棄一切有用之載籍不知世界競爭之大勢閉門下鍵孜孜兀兀一以弋取科第爲急務束縛馳驟拘攣而桎梏之雖有良材必斲而小其孰文明孰不文明對勘互較已可概見然而學堂不興教育不改也設非廣築校舍備諸建置彼嚮學者何以息焉游焉研究而試

驗焉以發爲今日文明之氣象耶此文明之生於建築者一也

又觀之於軍界矣曩之兵篤癯疲茶捍患則不足糜餉則有餘故軍籍所收其人雖多半不可用或有戰事猝然招募烏合之衆無賴者充之卽有雄傑大率很如羊貪如狼一以躡民攘利爲宗旨至律以軍人之資格愛國之情愫則臨敵不避果敢赴義百人之中不過閒有其一二而又未習教育不諳節制可力戰而不可智戰此我之兵所以見譏爲野蠻也近者翻然變計易爲徵兵河間一操我北洋軍隊之名譽已爲文明各國所同許而我南洋徵兵應徵兵士類多世家之子凡民之秀讀書有素投筆從戎由此簡而練之增進其智識增進其材武則文明軍隊之成立不日可見凡此者皆由我軍事界中有傑構之兵房營壘礮臺藥庫有隨營學堂有測繪學堂有將備講習弁目講習以及陸軍水師船廠製造各學堂規畫宏大儲材衆多乃有是文明軍事之教育也况海軍且有堅利之大鐵艦有屯軍之大船澳有修艦之大船廠皆建築之所有也文明之生於建築又其一也

至於農工商界之發達其講求農利也必有試驗場焉其欣助工藝也必有機器廠焉其比較商品也必有陳列所焉凡所建築雖甚完備猶其後者彼一土地之墾闢一製造之

推廣一市埠之開通爲溝塍爲畎澮爲衢路爲屋舍爲列廡爲屯棧爲鑪冶爲匠作計其子目指不勝屈而其外各會所各學校凡與實業相附屬者亦必鳩工庀材以次建設然後始能切磋討論使我之種植品製造品貿易品日進優美以改良其鄙俚簡陋鈍拙遲滯之弊風而曩日之農曠其土工窳其器商虧其利因仍沿習不知振奮以釀成此至愚極劣蠢然不靈之民氣詎非因憚於工作不務建築規模狹隘不能翕受輸入文明之新空氣哉否則組織文明之原料補助文明之品物五光十色瑰奇麗都豐庫之儲吾國多有我何遜於各國而使業場塵積人盡苦貧走險作奸習爲非法而成極不文明之人格也由是以譚文明之生於建築此蓋不易之一說也

若夫一鐵路之營造也易車則有棧停車則有場一輪舶之行駛也製船則有廠泊船則有埠而軌道之敷築塔燈之建置凡爲車路航路所關涉者一切建築名目繁甚况所遞及復有郵政有電報綜吾各地現有之局所雖逾百數顧尙不如各國郵便通信處所之宏大使一一而仿建之交通既便風氣易開曩有怙其舊習夜郎自大而不知今世界爲何世界者彼非因域於地勢充耳翳目聞見既無可擴張知識遂不能互換而猶固守腐局譏切時政騰爲口說是古非今此如三家之村愚夫愚婦習聽盲詞不察事理而卽自

以爲通達也今則文明灌輸無遠弗届凡鐵路輪舶郵信電綫之所至民之思想漸以開豁其開豁者其進於文明也然則文明之生於建築此更可證之一端也

謂予不信請以上海言之今上海在我國中非處文明之極點者乎然而上海者亦一建築之上海也自通商開埠以來至於近日其租界之整潔樓宇之軒廠馬路之通闊人物之喧闐蓋已建不一建築不一築幾經工作而後乃有此完全無缺衆美畢備之上海非諛美也上海之道路無不潔是文明之道路也上海之車馬無不軌是文明之車馬也上海之人士無不通達而開敏是文明之人士也上海之市場無不壯麗而華好是文明之市場也上海共保治安之法律無不嚴肅而整齊是文明治安之法律也而創造此文明維持此文明者則必由工部局主持建築以發起之上海之工程多於他處上海之繁勝過於他處故上海之文明亦甚於他處也非然者以地言特不過蘇省所隸邊海一小縣耳絜長度短並不能與大都劇郡爭爲高下而吾國文明之輸入則以上海最先爲翕受抑亦何耶

不惟上海然天津亦然不惟天津然漢口亦然昔之漢口第東南上游之要隘吳蜀轉運之樞紐耳商市所萃雖亦殷富然論新世界文明之景象則尙無之迄輪路既通建築租

埠濱江灘地拓爲商場於是有僑民之館公司之舍巡捕既設而衛生而清道而禁匪而保安文明法制遂與建築而俱進焉故今日之漢口直可目爲第二新上海者實由建築之力所膨脹也因是而浸及武昌武昌一城比於漢口則爲內地然自南皮建節營造一切吾國文明之新政必以鄂省爲導師矧借徑東瀛吸入科學使我國人士變易其腦筋鼓盪其志氣慷慨激發競爲文明世界之新國民者必有所自防也然則議者謂其喜創作務恢張舉吾民財糜於土木言雖近似而猶不知孕育文明必以建築爲之母也地方不能有建築地方不得爲文明以吾所知蓋尤有顯然可見者

鄂豫之交今不旣通爲鐵道乎豫之省古中州也黃河流域爲吾國文明導源之起點今其轄地若許若鄭若洛陽若臨潁若洧川若尉氏其在昔日或大國雄封冠蓋所萃或名賢故里文物所登乃易世而下久不加以建築因陋就簡習爲鄙俚經其地者去郭數里則黃塵滿天白沙蔽地人民蠢蠢椎野無知甚則商邱夏邑等地昔爲帝王所宅都今爲盜賊之淵藪風俗强悍號爲難治是豈古今變遷果有一定之理數哉僻在內地風氣隔絕文明潮流不得而沾溉之故也今黃河橋工落成京漢路軌直貫其境商埠一建列肆開場而士大夫之輻輳其地者亦較昔者爲繁盛焉如是必增進其民智轉移其土俗

南 洋 官 報
塞者以闢壅者以通陋者鄙者椎野强悍而難治者皆可浸濡浸染相與同化當不使黃河流域之文明一瀉不返而發源之地轉致闐然寂然無所振起以與草昧之時代同朽腐也嗚呼未經建築前日之豫有如彼既經建築將來之豫乃如此建築可爲文明之母豈吾一人之私言乎

或曰建築者古人之所戒也微論驪山甘泉上林九成一切工作見諸史冊可爲殷鑒卽長城以限戎馬宣防以塞河流功不補患且有譏其爲多事者故或構一宮室需中人數家之產計其勞費憚不敢發論者嘗賢之子獨謂文明之母在於建築是將以土木之役疲勞我民力耗散我財用而爲今之時局增憂患乎雖然是亦有說焉夫爲個人之樂佚計建築非也不建築是也爲國民之公益計不必建築而建築固非也當建築而不建築亦非也奚以明其然也長城宣防爲利爲害世有定論茲可勿辨第就關於文明者言之不建築則巢穴之毒害如故也何以一變而宮室不建築則疆場之散漫如故也何以一變而城郭不建築則山川之隔闕如故也何以一變而有舟車之來往不建築則器用之簡陋如故也何以一變而有制度之等威况我國而外爲英爲法爲德爲美爲東瀛之日本設無建築其地方湮鬱將終古爲土酋野番之窟宅而不得爲世界文明之國都矣執

是以思建築之宜否是必有辨

嗟乎今吾國中開通之國民嘗以輸入文明爲談時務之習慣語矣顧吾各地如上海如天津如漢口如京漢鐵道所沿及計有幾何處他則通商大埠雖所在多有而綜吾二十餘省地方僻遠未經開闢者卽今猶不乏也且織組一國之文明必先之以學力助之以財力濟之以交通之速力衛之以保護之兵力今吾國之已有建設已有築造已能孕育其文明者除大省名郡繁劇邑外其學堂果已盡成立乎其兵屯果已盡改良乎其農場工廠商會所以阜財利者果已盡營繕乎其車路航路所以便交通者果已盡籌辦乎然而一山場也一水利也一荒曠之田有待於墾治也今尙童者童涸者涸枯瘠而蕪穢者猶是枯瘠而蕪穢地材久蘊大利不生凡所建築限於帑項莫不左支而右絀而望學堂能盡立兵屯能盡良農工商業場廠會所火車輪舶水陸所需無不盡善其規畫此所謂不揣本但齊末無根之花雖經烘發其爲彫落固可立而待也

不然如上所列建築一興其爲勞工需用幾何吾意吾國之民愚者拙者不學而強力者失業賦閒觸罪當罰與夫亡命走險悔過而自艾者卽一切皆入於工尙恐不足且將如各國招工重其工值而羅致之而不圖吾國之工乃相率遠去受人苛禁曾不自恤致煩

我民之激義氣憤熱血爲我同胞作呼籲者奔走相告力求抵制之善策是我所大惑而
不解也而吾民顧無智無愚無賢無不肖咸相聚而言曰文明文明抑思文明之國果有
土不關利不興一切規制因仍簡陋而即可收文明之效果可得文明之名譽者乎爲告
之曰建築者文明之母也吾國民倘不求文明則已苟求文明其必謀自建築始

內政

江西道監察御史劉奏保舉過濫擬剔除積弊正人心而抑奔競摺

奏爲仕途蕪雜保舉過濫擬剔除積弊以正人心而抑奔競恭摺仰祈 聖鑒事竊維

自強之基莫要於整頓吏治而上下相蒙爲吏治之蠹賊者則莫如保舉一途夷吾作相乃出纍囚百里得君乃由羈客尙矣而今不能降而求之解狐得舉祁午得位次也王吉釋褐貢禹彈冠又其次也而今不能昔爲官擇人今爲人擇官昔論功行賞今僭賞冒功昔濫保有刑今濫保無罰昔以清議公論保今以情面寵賂保有例保有特保有明保有密保有尋常保有異常保或以門生故吏牽連而得保或以姻亞親舊攀援而得保或一案而保數十人或一人而保十數案或一人前劾而後保或一人甲參而乙保捐例停矣然相如納貲卜式輸財何其拙也則得保者巧科舉停矣然束髮受書垂老委贄何其迂也則得保者捷京察保一等大計保卓異 天恩也而出自私室漢員保都統文員保總兵異數也而望若終南愛我畏我趙趙囁囁謀保而來也諂人驕人眉飛色舞得保而去也然則所謂保舉者名曰甄拔人才實則湮抑人才名曰鄭重名器實則褻瀆名器牛驥一皂鸞臬同巢儒冠洩溺車服優俳非細故也臣竊卽中外官場之弊竇爲我

皇太后 皇上一一陳之夫有一官必有監事有一事必有責成有功過此通義也而

今則官自官事自事故愿者白首爲郎而無一事黠者乳臭未退而兼數差就京師言之
財政處有差練兵處有差必專心致志以營之何也爲謀保地步也就各省言之釐金局
清丈局又立銀元局籌款局膏捐局又立衛生局疊牀架屋櫛比雲連何也爲開保地步
也如是則保不如是則不保父兄以是教子弟長官以是諭屬吏蓋壞人心術墮人志節
者皆此保舉二字階之厲也然以是繩人猶不足關其口而奪之氣也臣請言其罔上行
私者一曰河工保 國家歲糜數十萬內帑以慎重河防乃封疆大吏輒以此爲調劑屬
員之舉幸而無事倖丞保州縣通同保府道連篇累牘超乘者以數十計然桑乾之潰決
黃河之昏墊且歲相告也一曰軍功保中興將相皆以書生而致徹侯以走卒而膺專閫
宜也乃至提鎮誥身不能謀一醉華離邊吏不能守一城一廠工之鼓譟一饑民之嘯聚
且浮夸其詞曰大張撻伐若夫耳未聞鞞鼓足未履沙場而謬以爲殺敵致果身經百戰
者又比比然也一曰勸捐保由賑而開捐由捐而鬻官此 國家萬不得已之事不圖鬻
虛銜者十之七攘實官者且十之三也順直賑捐一案保至一千三百餘人山東工賑捐
保至五百餘人此外如奉天安徽廣西四川等省歲計之亦不下千人其見諸奏牘者且

曰某總辦招徠之力也某委員勸募之功也天下之顛倒是非孰有甚於此者乎此所謂小好則小慙大好則大慙者也然以此繩人猶不足誅其心而盥其腦也更言其顯抗

朝旨者秦伯不廢孟明晉侯不責荀罃棄瑕錄用古有之矣已革瓊州總兵申道發缺額剋餉者也非奉 旨發往新疆者乎何至今逗遛不前已革浙防統領吳家正庇匪殃

民者也非奉 旨永不叙用者乎何忽焉投供自効 詔墨未乾而昏庸剛愎之疆

臣反嘖嘖以人才難得爲請其類此者殊不勝僂指也早屠而暮佛朝跣而夕惠人才雖消乏何變易狐烏如是乎臣不知置 朝旨於何地也未已也臣更言其有傷 國體

者張振勳以猗頓鉅貲而保卿寺張煜南以陶朱心計而保京堂 國家破格用人將以聯絡商情者維持商政猶可說也吳懋鼎滙豐之康白度也康白度者買辦也西人奴隸之與臧獲無殊何以有四品京堂之保周榮曜粵關之書吏也虎而寇者也穴社之鼠旣毀我室家吞舟之魚且逃吾法網何以有出使大臣之保必自侮然後人侮必自伐然後人伐將使外人之窺伺我慢易我者直以 朝廷之爵秩爲不甚愛惜之事得寶星則

受寵若驚賦湛露則茫然不解煌煌槃敦從無嚇蠻之供奉乃有伏獵之侍郎乎臣不知置 國體於何地也凡此者樞臣知之疆臣知之或遷就於成例或窒碍於同僚遂隱忍

姑息而不言且以爲老於事臣則不避嫌怨不知顧忌以發其覆而摘其奸者也擬請

旨嚴飭各省督撫將軍力除積弊不得徇情濫保以清仕途而杜倖進至永不叙用人員

尤當懷遵 諭旨不得率請開復如有似前荒謬者以違 制論並請 飭下政

務處吏部嚴定新章詳議以 聞臣迂拘之見是否有當伏乞 皇太后 皇

上聖鑒謹 奏奉 旨依議欽此

政務處奏考覈州縣事實開單分別勸懲並另擬通行畫一章程摺

奏爲考覈州縣事實分別開單請 旨勸懲並另擬通行畫一章程恭摺仰祈 聖鑒事上年五月

十四日奉 上諭欽奉 懿旨著自本年爲始每屆年終各該督撫將各州縣分別優劣開列簡

明事實奏到後著交政務處詳加考核分起具奏請旨勸懲等因欽此嗣據各該督撫陸續奏請展緩至

次年三月或五月具奏均奉 旨政務處知道欽此數月以來先後咨到表冊計有直隸江蘇山東山

西河南四川廣東浙江湖南雲南安徽甘肅熱河福建等十四起未據咨報者尙有湖北江西陝西新疆

貴州廣西奉天吉林黑龍江等九省除廣西吉林業經奏准暫緩辦理奉天黑龍江與吉林事同一律亦

應暫緩臣等謹就已到表冊十四起詳加考核分爲最優等優等平等次等四級暨不及一年各員分繕

清單恭呈 御覽各州縣列入最優等者擬請仍交各督撫出具切實考語具奏實缺者以應升之缺

在任候升署缺者遇缺卽補列入優等者擬請交部議叙列入平等者擬請准其照舊供職列入次等者擬請仍由各督撫隨時督飭各該員將應辦各項認真舉辦如果始終不知奮勉卽行分別撤參儻各該州縣或已因另案撤參而此次列入最優等者應由該督撫查明原參情節分別公罪私罪請

旨辦

理列入優等平等次等者卽毋庸置議其未經咨報之湖北江西陝西新疆貴州等省並請

旨飭下

各督撫趕緊造報毋得視爲具文以期仰副

朝廷綜核名實勤求民隱之至意抑臣等更有請者圖

治之道當以實事求是爲歸察吏之方尤以整齊畫一爲要臣等查閱各省表册直隸山東最爲詳備其

餘各省所報繁簡互殊間涉含混謹擬畫一章程五條請爲

報宜覈實也查各省表册學堂或但云籌辦命盜監押或並無已結未結起數甚有於工藝下注男耕女

織四字於種植下注棉花三成禾穀七成者一味支吾搪塞尙復成何事體現由臣等酌定表式嗣後務

須依式填寫已辦未辦一一核實開報以免匿飾

一咨報宜按限也此係奉

特旨飭辦之件原令

年底開報卽各省奏准展緩亦以次年三月至五月爲止迄今又逾數月仍未到齊嗣後近省儘三月遠

省儘五月務須一律奏結不得任意延緩

一前後任宜界畫分明也州縣蒞任或一二年或三四年不

等以前任所辦之事歸功現任殊失情理之平嗣後開報時必須聲明某項原有若干該縣到任後添辦

某項若干成效若何以清眉目

一優次等級宜有一定限制也學堂當以開設處所學生人數最多者

爲上次多者爲中最少者爲下警察工藝種植當以辦有成效者爲上已經開辦者爲中不辦者爲下命

盜詞訟當以全無或全結者爲上未結不及二成者爲中逾二成者爲下監押以無者爲上較少者爲中多者爲下盜案以全無或全獲者爲上獲過半者爲中不及半者爲下錢漕以全完者爲上欠數少者爲中欠數多者爲下一州縣宜久任也查各州縣通計到任不及一年者或十之三四成或十之四五成甚且有至六成以上者至於實缺人員亦復紛紛更調在長官不過爲屬員規避處分調劑優瘠起見而傳舍往來置棊不定勢必人人萌五日京兆之心卽事事有一暴十寒之慮嗣後各督撫務須慎簡庶僚畀之久任庶賢者得所藉手而不才者亦無可濫竽矣以上五條俟奉 旨後擬通行各省一體照辦

以免參差而防流弊所有臣等考覈直隸等省州縣事實並另擬畫一章程理合繕摺奏陳伏乞
皇太后 皇上聖鑒謹 奏奉 旨依議欽此

謹將直隸等省州縣各官列入最優等員名繕單恭呈 御覽 計開 直隸州縣各官入最優等二

員 延慶州知州劉鳳鏞 學堂（官立三十一所民立三十二所）巡警（局三所共巡兵一百名四

城有巡警樓四座修墊街道創設路燈）工藝（局一所學習織布毛巾機器成衣並修鐘表洋槍以及

造作花礮紙烟捲等藝教習十名藝徒三十八名另輕罪人犯責令學藝無定數）種植（種桑三萬餘

株又種出桑秧數十萬株又種楊柳松榆四萬餘株又種葡萄一百餘株）命盜（命案五起全結盜案

一起未獲一起）詞訟（八十七起全結）監押（監犯一名押犯無）錢糧（未全完）定興縣知縣

黃國瑄 學堂（一百三十餘所）巡警（警察公所一處巡長巡兵共二十名）工藝（立棉花廠一

所經費八千六百六十二千）種植（栽楊柳四千五百餘株立蠶桑局桑秧成活三萬餘株）命盜（命案四起未結一起盜案二起未獲一起）詞訟（已結一百二十三起未結四起）監押（監犯十八名押犯五十名撥歸學堂供役及習藝三十二名）錢糧（全完）江蘇州縣各官列入最優等一員
高淳縣知縣李普潤 學堂（十五所）巡警（巡勇一百名團丁三百名）工藝（捐廉發罪犯學造
絲網蚊烟各件 種植（各圩桑秧成活城內設課桑園）命盜 詞訟 監押（均全結）錢漕（錢糧上忙及漕全完下忙未完）山東州縣各官列入最優等一員 臨清直隸州知州張承燮 學堂（三百二十四所）巡警（巡勇八十名站崗駐紮）工藝（教養所習藝所各一處創興商會工會）種植（種樹八萬餘株成活）命盜（命案五起未獲四起盜案五起全獲）詞訟（一百零八起全結）監押（一百零八名開除七十名）錢漕（錢糧未完漕欠）山西州縣各官列入最優等一員 汾陽縣知縣莫如晉 學堂（官立八所民立三百二十九所）巡警（馬兵十名步兵五十名）工藝（立自新所一處教習輕犯製麻繩布袋整頓石器木器）種植（勸栽成活八萬八千餘株兼設農工試驗場一所）命盜（命案一起已結盜案一起未獲）詞訟（二百六十四起全結）監押（監犯三名押犯無）錢糧（未全完）河南州縣各官列入最優等一員 禹州知州曹廣權 學堂（五所）巡警（局一所兵七十九名）工藝（習藝所一處工師三人另設工藝實業學堂磁業公司礦務公司）種植（濬泉開渠闢稻田十餘頃治有桑田分種橡實並勸種椿櫨豆蔻石斛）命盜（命案十七起未獲

十一起盜案一起已獲）詞訟三十七起（全結）監押（監犯二十四名開除十五名押犯十六名）錢糧（全完）甘肅州縣各官列入最優等一員 渭源縣知縣梅樹南 學堂（一所學生三十六名蒙學二所）巡警（於城鄉編爲里正甲長互相警察地方安堵）工藝（教習軍流人犯編製羊毛衣褲九百餘件施濟貧民）種植（勸民種植桑樹七萬八千九百餘株）命盜（無案）詞訟（一百九十三起全結）監押（無）錢糧（全完）雲南州縣各官列入最優等一員 易門縣知縣張祖蔭 學堂（三十五所）巡警（團丁巡防）工藝（辦蠶桑局一所）種植（種桑五千三百株）命盜（命案一起盜案一起俱結）詞訟（一百一起未結一起）監押（無）錢糧（全完）

謹將直隸省州縣各官列入優等員名繕單恭呈 御覽 計開 直隸州縣各官列入優等七員

宣化縣知縣謝愷 學堂（七十七所）巡警（設局四十八所共巡兵一千五百餘名城內官籌費四鄉係勸紳民各自籌足）工藝廠一所撥輕罪犯二十八名學習紡織各項手藝）種植（楊柳桑秧一萬七百餘株成活七千餘株）命盜（命案五起未結一起盜案一起已獲）詞訟（八十三起全結）

監押（監犯三十名押犯七名）錢糧（未全完）安肅縣知縣甯濟 學堂（二十一所）巡警（分設局四處巡兵二十四名）工藝（農工局一所藝徒四十名學習紡織）種植（官桑園一處栽種桑秧一萬六千株槐柳二千二百株成活一萬三千株）命盜（命案二起未結一起盜案無）詞訟（已結六十三起未結五起）監押（監犯十六名押犯十三名）錢糧（未全完）吳橋縣知縣陳慶彬

學堂（二十一所）巡警（局一所勇五十二名）工藝（工藝廠一所招游民及輕罪犯共二十六名）習織線帶及編粗細各蓆草帽蓆帽各項又附學習種植考求農務者八名）種植（在南門外試種雜樹二百餘株勸諭各村每年每村種樹一百株一年約可種六千株內外）命盜（命案二起已獲未結一起盜案三起全獲）詞訟（已結四百二十二起未結二起）監押（監犯二十六名押犯十三名）錢糧（未全完）成安縣知縣石之璞 學堂（十八所）巡警（局一所巡兵二十名）工藝（捐廉倡辦工藝所一處撥押犯入所學習織布編筐木匠等項）種植（捐廉購種榆柳等樹一萬一千餘株又諭村民自種一萬三千餘株又於學堂迤南空地開闢農務廠二十餘畝試種菜蔬）命盜（命案三起已獲一起案盜七起已獲五起）詞訟（五十五起全結）監押（監犯十七名押犯十二名）錢糧（未全完）赤城縣知縣周學淵 學堂（十七所）巡警（總局一所兵二十名又於獨石口立局一所兵二十名）工藝（工藝廠一所捐廉就土產製造玫瑰蜜酒玫瑰花糖已由考工廠考驗運售又撥輕罪人犯學造洋線帶）種植（已於四鎮種楊柳榆樹一千四百餘株）命盜（命案一起已辦盜案二起已破一起）詞訟（十一起全結）監押（監犯十八名押犯二名）錢糧（全完）元氏縣知縣葛亮升 學堂（二所）巡警（巡警局一所巡兵二十名又捐廉設馬巡十名）工藝（工藝局一所招貧民藝徒十二名）種植（勸諭各紳相度土宜於道旁栽植榆柳）命盜（命案八起已結四起盜案一起已獲）詞訟（七十起全結）監押（監犯七名押犯十七名）錢糧（全完）清河縣知縣暢

文藻 學堂（十三所）巡警（於本城及大集鎮分十一段設總局一分局十處巡勇八十二名）工藝（擬集股設工藝局一所）種植（城濠縣署已種桑六百株又東鄉杜家樓一帶種樹一萬株）命盜（命案一起已審解盜案二起已破獲）詞訟（四十一起全結）監押（監犯十一名押犯三名）錢糧（未全完）熱河州縣各官列入優等一員 建昌縣知縣洪子祁 學堂（二十五所）巡警（警兵二十名）工藝（辦工藝所紡織毛巾布帶）種植（勸各鄉廣種樹株並種松桑秧有農務試驗場一處）命盜（命案二十一一起已結十五起盜案四十七起破獲三十九起）詞訟（已結一百九十四起未結四十一起）監押（監犯四十七名押犯六十三名）江蘇州縣各官列入優等五員 通州直隸州知州王仁東 學堂（二十所）巡警（巡勇四百名團丁二百名）工藝（化莠所學織帶結網搓繩捆屨有效）種植（種桑三十餘萬株設蠶桑公司一處）命盜（命案全結盜案未破一起）詞訟（全結）監押（監犯十一名皆定案押犯八名未定案三名）錢漕（未完）上元縣知縣趙興震 學堂（二十所）巡警（巡勇一百四十名團丁六十名）工藝（省委專員辦理）種植（購桑秧分發鄉民成活甚多）命盜（命案四起未獲二起盜案六起未獲二起）詞訟（五十四起全結）監押（監犯二十名未定案七名押犯八名已定案）錢漕（漕完錢糧上忙完下忙未完）長洲縣知縣蘇品仁 學堂（官立五所民立十六所）巡警（巡勇一百六十名團丁二百七十九名）工藝（省設三邑工藝局一所）種植（購求種桑育蠶）命盜（命案三起未結一起盜案五起未獲二起）詞訟

(一百五十二起未結一起) 監押(監犯三十八名未定案四名押犯三十二名未定案八名) 錢漕
(未完) 金山縣知縣蔣清瑞 學堂(官立七所民立十三所) 巡警(巡勇二百九十七名團丁六
百十八名) 工藝(設甄瓦窯一所) 種植(桑五百株) 命盜(命案三起未獲一起盜案全結) 詞
訟(八十三起未結二起) 監押(監犯十五名全定案押犯十六名未定案二名) 錢漕(未完) 泰
興縣知縣龍璋 學堂(官立二所民立二所) 巡警(巡勇三百二十名團丁一百四十名) 工藝(工
藝所一處蠶桑公所一處) 種植(桑秧二十萬株) 命盜(命案四起未獲一起盜案五起未獲一
起) 詞訟(一百九十起未結六起) 監押(監犯十七名已定案押犯二十三名未定案三名) 錢漕
(漕完錢糧未完) 安徽州縣各官列入優等六員 霍山縣知縣秦建章 學堂(設一所) 巡警(設
局十五所) 工藝(設自新所習藝善堂) 種植(種竹茶) 命盜(全無) 詞訟(全結) 監押(監
犯定案三名押犯無) 錢漕(未全完) 宣城縣知縣何恩焯 學堂(設十三所) 巡警(設局二
十八處) 工藝(設養蠶自新所習藝學堂) 種植(種桑麻) 命盜(命案一起未獲盜案已獲已結
各二起未獲未結各二起) 詞訟(全結) 監押(盜犯定案三十名未定六名押犯十一名) 錢漕(錢
糧未全完漕糧全完) 懷甯縣知縣鄭思賢 學堂(設四所) 巡警(設局三處) 工藝(設機器
織廠開源織廠自新所習藝學堂) 種植(種桑漆棉花等) 命盜(命案已獲一起未結未獲二起盜
案無) 詞訟(九十八起已結九十起) 監押(監犯定案二十二名押犯十五名) 錢漕(未全完)

太和縣知縣王樹中 學堂（設一所）巡警（城鄉設局五處）工藝（設養蠶自新所習藝善堂）
種植（種桑麻烟葉棉花等）命盜（命案一起未結盜案無）詞訟（全結）監押（監犯已定案十
二名未定案三名押犯無）錢漕（未全完）績溪縣知縣李第青 學堂（設三所）巡警（設局三
處）工藝（養蠶）種植（種桑麻竹木棉花）命盜（均無）詞訟（均結）監押（監犯一名押犯
一名）錢漕（未全完）英山縣知縣郭集馨 學堂（設一所）巡警（設局一所）工藝（設養蠶
人工紡織自新所習藝善堂）種植（種桑茶棉花烟葉等）命盜（命案一起結盜案無）詞訟（全
結）監押（監犯定案三名押犯九名）錢漕（未全完） 未完

外交

刑部議奏重定上海會審公堂刑章摺

光緒三十一年十二月十四日軍機處片交本日奉

旨外務部呈遞周馥電據稱上

海會審公堂擬變通刑章以期華洋輕重略均等語著刑部迅速議奏欽此鈔錄原電交出到部查原電內稱上海會審公堂章程如案內全係華人歸華官審判毋庸領事干預近十餘年凡經工部局會提之華人領事派副領事於早堂陪審會審交涉之案何國原被卽由何國派員又華民犯罪俟會審判定後枷杖以下罪名由華員發落徒罪以上歸上海縣辦理此向來辦案大概情形也本年奏定新章變通笞杖罪仿照外國罰金辦法如無力完納折爲作工謹當遵照辦理但中外情形不同貧民不名一錢無錢可罰工藝廠尙未開辦無工可作現時到案人犯擬分罪名爲五等一交差帶取保保後不再犯卽時省釋二公堂暫押取保三交縣發本地保甲管束四笞罪自十至五十暫押公堂十日至五十仍准輕重量爲增減五杖罪按數改爲監禁爲杖一百卽監禁百日情重者量加公堂向無牢獄有押所可容男犯百人女犯三十人西人因犯人日多別建牢獄以羈華犯現監禁五百餘人頗有連枷錄錡等刑瘐死者不報華官殊不成事今欲自建一牢約

估需五十萬金常年經費十餘萬金經費尙苦無着此時監禁之犯不能不暫借西牢應由獄員批明非兇惡及瘋犯不加刑具一俟習藝工廠建成再遵照奏定章程辦理至女犯向押公堂今擬女犯罪輕者交親戚或酌保管束如拐帶誑騙之案訂明管押日期以十日至百日爲限又錢債案原被皆不跪審惟刑名案向華官前跪審但犯者尙未審實已罹熬審之刑殊覺不合如近日黎黃氏以官眷孀婦誣爲拐帶深堪憫惻竊以爲洋員無論何犯到堂俱植立聽審俟罪名判定飭其跪聽判詞似較允當等因電由外務部呈遞欽奉

諭旨著臣部迅速議奏臣等竊維上海華洋雜處詞訟繁多凡緝捕拘禁各事辦理稍或失宜皆足以貽口實而滋流弊其原訂會審公堂章程如案內全係華人歸華官審判一條固已劃明權限如果該公堂先事圖維創建牢獄並設立習藝工廠何致有婦女羈禁西牢之案至中外刑章不同彼寬此嚴徒來外人殘酷之譏馴至外人之待華民更加殘酷而不恤如此次黎黃氏被誣管押西牢蓋積漸使然也刑章爲法權所繫亟宜酌量變通俾輕重略均庶足以劑其平而善其後茲據該署督電稱笞杖改爲罰金惟貧民不名一錢無緩可罰工藝廠尙未開辦無工可作現時到案人犯擬分罪名爲五等臣等詳加酌核如差帶取保省釋並公堂暫押取保及交縣管束此三等尙屬周妥應

如所議辦理惟笞罪改押公堂杖罪改爲監禁二等如按笞杖實數作爲押禁日期未免過重查奏定章程無力完納罰金折爲作工應罰金一兩折作工四日以次遞加至十五兩折作工六十日而止等因今該公堂尙未開辦罪犯習藝工廠擬請代以押禁自應按照原定折爲作工日期分別代以押禁以昭平允而歸劃一又所稱今欲自建一牢經費尙苦無著此時監禁之犯不能不暫借西牢應由讞官批明非兇惡及瘋病不加刑具等語具見防維周摯該讞員務須切實遵辦仍令趕緊設法創辦習藝工廠俾得教養有資庶幾遷善更易該署督又稱女犯向押公堂擬將罪輕者交親族或酌保管束如拐帶誑騙之案訂明管押押期以十日及百日爲限等語所擬尙屬允協仍令查照婦女贖罪新章分別辦理至洋員陪審無論何犯到堂俱植立聽審俟罪名判定飭其跪聽判詞亦係矜恤罪犯免罹熬審之苦尙屬可行惟既經准免長跪聽審則定案判詞亦應免其跪聽以歸一律總之上海爲通商大埠設立會審公堂歷有年所無論華洋案件總須持平辦理尤在委員得人方能保固法權至改良監獄及收犯習藝尤爲切要之圖未可恃有借禁西牢苟且補苴日久又滋糾葛應令該署督迅速飭屬興辦俟獄舍及工廠告成一律遵照奏定章程核辦以期整齊畫一如蒙

俞允臣部卽行文該署督遵照辦理 奉

旨依議欽此

贛撫札飭稅務總局文 (爲勝昌洋行與市汊分稅卡糾葛事)

爲札飭事准 英領事倭 照會內開案查英商勝昌洋行請單赴豐城縣採運芝蔴往過市汊卡故意留難茲據該商稟經前領事樂電致貴撫院請飭放行在案嗣據該卡員捏詞妄稟查出芝蔴浮多五十七擔札委王守祖蔭督同卡巡押解該商貨船來潯過磅查出浮多應令提貨充公並抄送丈量艙口單一紙等因旋據該商稟稱前項芝蔴現經委員協同關員洋員逐細眼同過磅匪特並無浮多尙且不敷運照填註之數稟請函道移飭卡員賠償耽延跌價虧項接准九江道復函飭知該商去後茲據具稟前來竊商昨奉飭知准關道回文前市汊卡扣留芝蔴因原請與運數相訛不能無疑貨價漲跌貿易常事如照現商辦法以後決無違逾等情商查船抵市汊卡該卡司事何某以仇視洋單之性質藉需索之未遂故意拋尺浮量強指有夾帶五十七擔欲提充公當時並未提及原請數少運多之語卽王太守來潯面遞道函亦指前夾帶五十七擔應俟覆查提出充公如果三百擔相符自准報稅是兩下所實爭者在有無夾帶耳其運數多寡既經地方官准填蓋印則明知責任在縣故不待言也前次芝蔴行價由五兩零跌至四兩致吃虧三百餘金乃謂漲跌是屬常事試問若不被其扣留又加捏稟致貨到潯盤查多日爲歷來所未有之耽誤則商貨早以出口萬不至吃此大虧商豈得以平空之虧累而不向其索賠耶茲道回文竟將此層夾帶之根毫不提及明係閃避之計意圖搪塞了事辦理實欠公允豈不知實究虛坐無

論中外律有明條用特呈乞逕賜照會撫院迅即查照辦理務飭該卡如數賠償以省商累而昭公道等情據此查該商所稟市汊卡員留難捏稟耽延該商吃虧三百餘金自是實情相應照請貴撫院煩爲查照即希飭令賠償和平了結以昭公道而敦睦誼等因准此查昨據該局詳由九江關過磅芝蔴少七十七斤黃豆內多九擔零由九江關從寬飭照實數報完關稅將來銷售再扣內地統稅移局查收請准照辦並通飭各分局口遇有聯單貨物過卡查驗時即以關秤一百觔爲一擔不必仍以斗觔因乘計算等情即經批允在案茲准前因查該商以一百擔之運照販三百擔之芝蔴溢出太多不合定章據稱曾經地方官蓋印是否屬實但地方官非收稅之員只知照所報數目填寫如有違章仍應該商擔其責任不得以曾經蓋印藉口至糧食一項不比他貨如係散倉盤量甚難是以內地收稅均量其艙口寬深長數按三乘五因核算原以昭簡捷而免稽留該商既不肯遵此定章自應按照關章辦理是在市汊卡時即應按艙起出逐擔過秤卡中人手不如關上之多以下經過各卡均須照此盤查所需時日甚多今因彼此爭運遂任逕赴九江過磅沿途皆不復問是該商此次運行日期較之各卡悉歸關章有速無遲且多出黃豆並未報明亦未照數提出充公辦理更屬從寬該商乃轉以耽誤吃虧要索賠償殊屬不近情理斷難照辦此外有無不合之處並應確查合行札飭爲此札局即便詳細核明移會九江關切實照會英領事轉飭遵照仍由局札行市汊卡知照毋違

華僑捐輸...

南洋華僑捐輸...

南洋華僑捐輸...

南洋華僑捐輸...

南洋華僑捐輸...

南洋華僑捐輸...

南洋華僑捐輸...

南洋華僑捐輸...

南洋華僑捐輸...

南洋華僑捐輸...

南洋華僑捐輸...

南洋華僑捐輸...

南洋華僑捐輸...

南洋華僑捐輸...

蘇撫陸奏設立仕學館並增法政學堂片

再近年屢奉

諭旨飭各省設館課吏造就人才仰見

朝廷澄叙官方振勵仕途

之至意臣維爲政以得人爲先致治以講學爲急親民有司必求其通達事理明澈中外大局並於法律交涉教育理財警務工藝各門學術皆具有普通知識始可期其勝任臣到任之始卽設仕學館一所委派藩臬兩司爲督辦候補道羅長禱爲監督除道府兩班人數較少由臣隨時考察外其餘通同州縣佐雜各班無論何項出身一律傳赴臣署局門考試臣手自閱定取錄文理最優者同通州縣二十員佐雜十員作爲內班學員其稍次者備取同通州縣三十員佐雜二十員作爲外班學員內班住館肄業外班學習聽講候內班額出按名傳補學科分爲八門各有劄記課本按期送交監督詳考由臣覆核加以獎勵暫定一年畢業比較學課分數擇其優者酌委差缺未及格者分別留學撤退開辦數月以來學員爭自濯磨互相討論所著論說多能通知時務該館設立後旋准政務處咨行欽遵 諭旨飭各省查取直隸法政學堂章程添設仕學速成科研究中外律例專門之學以儲裁判人材復經臣札行司道於仕學館內附設法政學堂添造講堂增

廣學額暫聘日本法政大學畢業生二名爲教習亦限一年畢業現擬於明年二月開學
臣惟當督同司道等勤加誘勸期於教練吏才足備佐理新政分治地方之用所有蘇省
設立仕學館並附法政學堂緣由除咨政務處學部吏部刑部備案外理合附片具陳伏
乞 聖鑒謹 奏奉 硃批該衙門知道欽此

蘇撫陸奏蘇省開辦游學豫備科請飭學部立案片

再出洋游學爲今日最要之圖誠不宜持之以緩然必語言已精科學已備方可入外國專門學校肄業
倘派送學生程度尙低貿然前往既抵外國未容疆人於是旅食校外補習普通有誤歲時且耗旅費流
弊從此而起是皆由於學生之合資格者一時難得多人而又不爲之豫備以儲其選也臣前在湘撫任
內卽經創設游學預備科迨奉 命撫蘇並擬踵行湘省成規業於到任後舉行要政摺內 奏明辦

理在案旋經參訂章程建置學校已於十一月二十一日開學學生則定八十爲額畢業則以三年爲期
將來酌量分派東西各國經入專門學校又因蘇省風氣早開平日研求東西語文及各種科學不無深
造之士取其學詣較優者十人不必再入豫科首先分送出洋示其先導而卽以寓鼓舞之機至該科學
生必以端謹爲先該堂規條尤以嚴整爲主故當未經游學之時核其品行辨其賢否而不至有濫取之
憂既經出洋之後潛心學業効力 國家或不患有誤用之弊惟蘇省財政困竭異常此項豫科事關興

學又係培植出洋人材臣惟當督飭司道隨時量籌經費以維要舉而免中輟所有蘇省開辦游學豫備

科應請 飭下學部立案除咨明學部外理合附片具陳伏乞
道欽此

聖鑒謹 奏奉

硃批學部知

福建學政奏臚陳辦理學堂情形並酌擬章程摺

奏爲停止科舉專辦學堂謹先臚陳大概情形並酌擬初辦章程恭摺仰祈 聖鑒事竊臣於興化府

行次接到學務處電咨現奉 諭旨停止歲科考試所有各省學政未考各棚著即行停止等因隨即

遄回省城當將科試已停並清釐考試未盡事宜具摺於九月二十五日奏報在案茲又於十一月初八

日接准禮部文內開光緒三十一年八月初六日內閣奉 上諭昨已有旨停止歲科考試專辦學堂

所有各省學政均著專司考校學堂事務會同督撫經理等因欽此欽遵臣伏念 朝廷慎重學務亟圖

振興所以一士心而開民智者用意至爲深遠回省以來咨訪官紳孜孜以學堂爲務惟查福建各學堂

雖迭據具報陸續開辦終以經費支絀規制課程多未能臻完備外府州縣偏遠之處尤未免因陋就簡

即以省會而論除武備學堂外現有高等學堂一所師範學堂一所官立民立蒙小學堂二十餘所大都

就書院改設或借公所爲之生徒得以入堂居住者額數亦不能多當此考試已停士鮮恆業以通省計

之不下十數萬衆凡屬孤寒皆圖進取自非廣設學堂曷以泯向隅而昭普育是則士子之進身必自學

堂始而學堂之起手必自蒙小學堂始籌經費儲師資尤其先務也臣按學堂辦法已具詳 奏定學堂

章程內無俟更煩擬議惟值規模之甫創必期措置以攸宜臣職任考較其如何考較之處應俟頒示專

條遵照辦理茲特預爲籌度酌擬初辦章程五條是否有當請 旨遵行一頒課本以一趨嚮也各學

堂課本分科綦繁應擇定若干種一律講授乃與階級相符若開辦伊始稍存遷就各用各書將來必難合轍現在高等及中學以上所研究者尙可稍緩惟蒙小學堂之課本一經開辦卽須依科分授相需爲用各學堂請者紛紛查 奏定學堂章程內經學一門分年授讀已極明晰其史學以次均未指定書名

若外間繙譯編纂諸書日出不窮未免冗沓故必以審定之本爲善聞 京師大學堂設局編輯漸次成書曾奉 明諭迅速頒發但一時或未全備應請就已編者先發樣本俾便纂刻排印卽時分給此項

課本實蒙小學堂所藉以發端待用至爲急迫可否仰懇 恩施立飭頒下以應急需士林幸甚一提

學費以資分撥也學堂正在增設而閩省財政局銅元局日形支絀向所指定協貼學堂之款此時尙難應手需款愈鉅籌款愈難查歲科兩試向有辦考費及文武童場各費此項本爲士子而設以之移充本省學堂最爲公允應請悉數提用以資分撥學堂之需此外如鄉試經費及公車賓興等款應與地方官籌商移撥雖不敷尙鉅亦可稍裨學堂常年之經費也一立文案以資襄理也學政衙門關防較嚴而不預地方公事故幕友僅司校閱而例行文牘書吏不過備抄胥之役今學務方殷事屬創始尙無成例可循均須隨事斟酌以求妥洽必得有稍諳公事者相助爲理現在考試已停閱文之席自無所事擬將幕友改爲文案處分司公牘兼備調查與各衙門事同一律庶辦公不至叢脞而佐理有資矣一調優生以廣傳習也蒙小學堂所需教習甚多師範生不敷分派且福建各府土音每不相通非有本地人轉相傳

授則教習與學生先已格不相入查各學生員品學兼優者尙不乏人以充本地方蒙小學堂教習自屬人地相宜但未習普通教授法則猶未爲合格擬於省會增設師範傳習所專調各學優生入所補習普通教授法限以年月卒業後各還本籍以充教習之選以次挨班遞推於出路亦較疏通惟傳習所各生遇有優拔場應請仍准與試斯願學者衆而師資庶乎漸廣矣一選教官以司考察也各府州縣蒙小學堂城廂鄉鎮散布各處必俟一屆學期滿後始行派員調查則地甚廣時甚迫急遽從事恐難周密府州縣官地方事煩亦或不能兼顧查各學教官學校本其專責現在考試已停事務甚簡應責成以稽察本地各學堂隨時具報且教官例應宣講

聖諭鄉約周歷四鄉駕輕就熟實爲兩便亦足以補調查所未逮而寓督率於無形惟須嚴定考成實心辦事者酌予獎勵庸鄙玩怠者隨時撤換庶教官亦得以自効而於考校學堂較有確據也以上五條臣特就福建省初辦學堂情形參以愚昧之見粗定端緒爲將來考較地步儻仰蒙 恩准或 敕交總理學務處分別核議恭候 聖裁訓示施行所有停

止科試專辦學堂臚陳大概情形並酌擬初辦章程謹繕摺具陳伏乞 皇太后 皇上聖鑒謹
奏奉 硃批學部議奏片併發欽此

南京幼稚園開辦簡明章程

一宗旨 調護兒童身體啓達兒童智識改良家庭習慣并參以蒙學課目爲將來小學之預備

二辦法 本園開辦伊始諸事草創暫行附入旅寧第一女學堂惟其事權各有專責一俟經費充裕稍

有頭緒即當提開獨立推廣辦理

三職員 本園暫設員役如左其教員保姆役使俟推廣時再行添設

一總理一人

一園長一人

一教員四人

一保姆四人

一會計一人

男女役使四人

四權限 本園人員之權限爲有限之權限其分別規條如左各自遵行無所牽掣

一總理得擇聘教員保姆及進退役使人等并擔任園中經費及處分園中一切事務

一園長得審定教科監視教員以下之勤怠指揮雜役之服務而肩任一切興革事宜

一教員分任教科

一保姆專任保育兒童身心及一切事務

一會計專經理幼生學費及園中雜項

一男女役使專供雜務應聽園長之指揮

五額數 本園學生暫定三十名概不寄宿

六課目 本園課目暫定爲識字連句習字心算畫圖談話唱歌遊戲博物手技十種

七學時 本園暫定午前自九點鐘至十一點半鐘午後自一點鐘至三點鐘其星期節假及聖誕慶典等一依常例休息一日至三日

八資格 本園學生男女兼收以五歲至八歲爲度其有殘疾暗病或未種牛痘者概不收錄

九學費 本園暫定每學生一名每月收脩膳金二元按月計算閏月照加但入園之始須先繳五個月脩膳金

十年限 本園學生限定以三年爲畢業畢業後其程度最優者或由本園送入小學或任其自擇小學入學均臨時酌定

入園須知

一入園之初須具入園證書先繳五個月學費

二入園者至少以五個月爲期除因不得已事故告退外餘概不扣還學費

三到園散學悉依定時或遲或早均有不便

四除午餐外茶點均有定時不得由家中攜帶食品及玩物

五家屬探望須待課畢不得久坐長談僕役送接尤不可濫入課堂及遊戲場等處

六幼稚生衣服須依定制不得濫着華麗及汚劣衣裳

七幼稚生如有傳染病或其家人有傳染病而不分居者須早申明園長停課

八幼稚生於園中應守細則當隨時告知茲不備載

附幼稚生入園證書式

姓名 生 年 月 日

籍貫 省 縣 出生地 某處

現住地 某處 素來曾患何症 有無暗疾

父名 年 歲 身體 強存 弱存 兄弟 幾人

母氏 年 歲 身體 強存 弱存 姊妹 幾人

父兄職業 士農工商官

光緒 年 月 日 保送人姓名押印

湖北廣藝興公司英東文藝學簡章

(甲) 所在 仍暫就花堤縣城隍廟內開學俟公司擴充籌辦得有新舍即當遷入

(乙) 宗旨 自奉 明詔停止科舉入學者日漸繁多且近來之欲從事工業者尤日衆是以本學特設

各種工科專門實業並附設英東文及全門普通功課總期宏廣教育培植達材振興奇異之技能擴

充國民之知識以為家國效用

丙)辦法 以第一學年教授普通及英東語言文字然後於第二第三兩學年再循次授以工科實業及實地練習

(丁)成效 以輕年皆儲有普通學之基礎且皆有謀生之實業爲成效

(戊)學年 謹案 欽定實業學堂章程以三年爲畢業年限茲本學既務在研究實業自應遵照辦理卒業時當稟請宮保督憲派員考試給以卒業文憑咨送 京師商部聽候升入他項高等實業學校

(己)入學資格 年歲以十二歲起至十八歲止爲合格惟皆須文理通順口齒清楚以及身體強健者方許報名試驗錄取入學

(庚)課目列左

(一)英文

(二)東文

(三)國文

(四)修身

(五)講經

(六)算學

(七)輿地

(八)歷史

(九)理化

(十)博物

(十一)圖畫

(十二)體操

(十三)各種工科實業

(辛)授業科 入學金每年十二元分兩期繳納

(壬)寄宿舍 膳費每月三元舍費每月一元

(癸)校外生 凡不在本學食宿者名曰校外生只收學費

(子)優待生 品學兼優經本學各科教習許可者准稱本學優待生不取學費

(丑)留學生 謹查會奏停止科舉一摺尙須簡派學生游學以備將來任用故本學做設留學生一科

南洋官報
如本學學生有願自費出洋者可稟知本學本學當代稟官府給以咨文俾得沿途保護惟不得藉此游學以及別項之虛名以遂故意退學之私欲倘有各種情弊一經查出定即責成保人罰以三年學費

(寅) 服制 按時候之寒暖定爲白洋布藍羽毛二種惟概須該生等自行備置並於領上標明本學字樣方可

(卯) 講談會 每月師生合羣策羣力開實地問題之講談會一次並令本學生各力陳本學辦事之弊以便斟酌改良徐圖進步

(辰) 講義錄 本學各科學講義均須於每學期時刷印成冊分送本學各科教習及在學辦事人員各一部以憑考核成績年暑兩假大課試驗亦照以上辦理

(巳) 校內管理 凡校內管理一切之法均遵照 欽定實業學堂章程辦理

軍政

練兵處奏將弁學堂卒業宗室及滿漢侍衛等員請發往各軍隊任用片

再近來崇尙武營風氣日開往往有宗室及滿漢侍衛等員呈請咨送外省將弁學堂肄業者查此項人員情殷上進志趣可嘉一俟在堂卒業其於兵事諸學當已研究有得造就堪資若仍令回京當差或處之閒散似非所以鼓勵衆志作育成材擬請嗣後凡宗室及滿漢侍衛等員在各省將弁學堂肄業期滿經練兵處考驗准予卒業後卽發往各軍隊量材器使與在營各員一體任用以資歷練而廣裁成臣等爲儲育將才起見是否有當謹附片具陳伏乞 聖鑒謹 奏

練兵處咨行各省測繪行軍地圖

爲咨行事查行軍之要首重地形守土所司必知方域歷來洞明將略講貫兵謀者往往於山川之險如在目中嶺海之遙運之掌上是不外藉輿圖爲實地乃能決勝算於幾先查從前各省歷繪輿圖於方隅險要多係側面繪法真正道里旣不能顯原來形勢亦莫由知且有止就向來方志所有照錄咨送並未測繪者倘竟視爲真本憑以用兵貽誤之虞必所不免今東西各國均製有軍用地圖於山木之高深幅幘之廣狹道途之險易區町之衝僻無不一一得其真數使披覽者如履其境考求者如出其途用能指

揮合宜運籌有術中國幅員遼闊道里盤紆若由本處派員四出分繪微論人力財力均有不及亦且累月窮年緩難濟急茲擬就圖例通行各省應請遴派妥員遵照周歷履勘繪製略圖一分以資考究而濟實用至籌防諸務本處所宜預聞軍備詳情各省亦應咨報現併詳開辦法希即逐細一併造送幸勿稍稽相應咨行貴□查照辦理並希速覆

計開

■派員查明該省疆域險要及全省交通路迅速繪具略圖咨送本處查核其要領如左

一測圖宜用平面水準測法其梯尺（即比例尺）等均以米達數計算

二略圖分爲二種一爲總圖梯尺二萬分之一其宗旨在計畫行軍方略估算道路遠近一爲分圖梯尺二十萬分之一其宗旨在考察攻守地勢研究軍務交通

三兩種圖均用細密皮紙謄清每張方面縱橫皆五十生的米達

四圖名梯尺方向經緯度繪成年月日測手姓名四方併列圖名均宜記載明晰

五地圖記載法須參照附載圖例（謂各種記號均有附圖）

■各省籌防及勦匪調遣軍隊之配置如遇有興師時其軍情緩急攻守利鈍須一一詳報本處

一各省近日新練陸軍及原有防營駐紮處所製爲略圖咨報本處

二各省所練新軍受任他往時無論由內調遣或由外自派必須將其派往責任官兵清冊軍械種類

餉項接濟等製爲冊表而總記以該隊教育軍紀（謂範圍軍隊之規則）成爲詳報本處他如撤回更調之期亦宜詳報

該省陸軍各鎮如該省有參謀官務宜咨報左開各項

- 一參謀官須將該鎮屬各官年籍出身升調撤退並學識優劣任事勤惰按季具爲清冊詳報本處
- 二該軍隊平時內務（謂關於軍隊內必要事件）軍需軍械教育戰時接濟規則該地方交通機關分別詳報本處

軍學司正使馮副都統國璋上北洋大臣稟（爲請議定武備學生及隨營學兵升階事）並批

敬稟者竊查學堂之事待議者有三各國軍隊官弁之界分晰甚清非學堂出身不能充當軍官弁則可以由兵提升然兵升至弁而止非有戰時特別功績不能當官也我中國學堂漸多學生漸衆既須有安置之法而由學堂出身者學問識見必勝於兵官之一途似可祇爲學生之出路此其待議者一也各國軍隊學堂其官弁學生均有名冊儲於總滙之處若各國陸軍省是也軍隊有官弁缺出應補之員由總滙之處檢員外補各處統將不操其權今中國之總滙莫如練兵處矣然權輿各省倉猝實難惟有就直隸一省而言而總其權於督練處凡陸軍畢業學生均造成名冊存督練處以爲本省用人之基而學堂何等教員應派何等兵官其名冊宜與之並立其待議者二也隨營學堂學兵非有戰時特別功績不得充當軍官其升階至弁而止而各鎮之設隨營學堂其學生額數亦必有一定之限制畢業以後造冊呈

送督練處各鎮出有弁缺由督練處按其畢業名次功課分數斟酌選派各鎮不得自爲主持此其待議者三也職道忝司學堂愚慮所及不得不先陳左右統候集議時酌定

北洋大臣批 候札飭兵備教練參謀三處暨陸軍各鎮會議妥籌辦法

長江水師遊擊吳家位上程提憲稟（爲長江水師請專設學堂事）

竊惟長江水師素稱勁旅惟各營官兵皆非學堂出身究難精通新操奧妙刻雖遵飭遴派弁兵送入江南將備學堂肄習奈官兵太多終難普及似非專立一水師學堂不可但國帑支絀請款爲難亟宜合力自籌謹就管見所及逐條縷晰陳之 一學堂處所除漢標業擬稟辦岳標須另籌不計外提標擇采石磯之三公祠瓜標擇鎮江之彭公祠湖標擇石鐘山之昭忠祠以上三處均濱臨大江屋宇寬宏原係水師捐建今改作水師學堂洵屬相宜 一籌開辦經費擬自副將以下各官捐全廉一月以湖標計之約可捐銀一千三百五十餘兩以之購買書籍體操器具衛生衣件以及操衣操帽操靴等物所差無幾其前項捐銀各官遇有升調事故仍勻作三年攤派以昭平允 一籌常年經費查提瓜湖三標每操存瓜棧生息辦公成本銀一萬兩週年八釐行息今擬仿照岳漢兩標辦理提回由營發商每月一分五釐行息每標歲獲此項息銀一千八百兩全歸學堂常年延聘教員以及添辦應用器物經費至各營所需辦公經費無多可由營格外撙節另行籌備但各隊官所獲廉俸甚微實屬異常清苦此後除營中正項開銷不得不按季分別等次攤派外其遇將領喜慶饋送衙署添置器物以及各色人員來營措資告幫等

事一概禁絕再不准攤扣除官絲毫以示體恤 一延聘教員須在江南將備學堂考取程度最高之畢業生充當 一功課現在我水師官兵天資聰穎者少魯鈍者多須先從淺近兵學入門教以口令步伐洋式體操測量繪圖以及槍礮瞄準諸學容俟學有根柢再求進步 一我水師原係水陸兼操今派官兵入堂肄習所聘教員勢不能教習此項水操查近年改練新操所募之新兵多半年輕不諳駕駛應由營另派熟悉駕駛之員入堂兼教并令着衛生衣練習水性 一學額每班每哨亦可派官一員兵二名入堂肄習方與汛防無礙其入堂之兵須稍知寫算年在三十五歲以下者爲合格官則暫勿拘定以湖標計之每班學生官二十員兵四十名限以六個月畢業爲一班 一學生伙食仍照常自備每官月備伙食銀三兩每兵月備伙食銀八錢以湖標計之每月共銀九十二兩合銀一百四十餘串歸堂經辦以上數條不過略舉大概如蒙採擇尙祈釐定妥章通飭遵照辦理一面分別奏咨立案洵爲公德兩便

江南陸師學堂畢業生聶和彬上贛撫胡中丞稟

真爲請辦徵兵以強民氣而爲地方自治基礎事竊維老成謀國必出萬全風氣之開端資提倡近者時局日棘知非尙武不足以強國故訓練教育悉改舊制如各直省之設武備學堂皆就本地以資造就而以南北洋之奏辦徵兵爲尤美備蓋上體 朝廷變法自強當先講求地方自治以爲立憲之基故自開辦以來風氣大開其成效將來必有可觀江西僻處內地民氣素樸得人化導振興尤易大帥疆圻重望爲國儲才下車伊始卽設教練處整頓武備學堂惟是有將而無兵將來綠營裁撤既不能沿招募舊例

又不能悉借材他省此中關鍵必爲先籌查中國古法寓兵於農故人盡知兵東西各國有常備續備又有義務兵亦卽此意不多費餉而得多數兵額不限地方而皆有軍人資格其利一也我國舊俗以兵爲恥故募集者皆市井無賴爲多今此法行皆知以兵爲榮其應徵者皆出良家能通文翰知方有勇爲國干城其利二也北強南弱向分風氣故咸同中興之役除楚淮軍外幾皆無用豈地產然哉風氣開則有義務之思想有義務之思想則有奮作之精神而又有良將以訓練統制之使皆知愛名譽重功名成爲地方之特色今此法行可使地方知人人有自盡之義務有可求之名譽僅一反手化弱爲強其利三也向者兵與民分故民不知兵小有不逞則相率走避鄉里爲墟流寇之患其尤大者卽官軍所過尙噤不作聲遑云禦敵今此法行無事可爲地方之保衛有事則爲王家之敵愾其利四也江西南界閩越西鄰楚湘東連皖屬通衢交錯山嶺叢雜宵小竊發間不及防今此法行將來地方卽可開辦民團各自保衛相爲指臂永絕亂萌其利五也江西營制向由湘鄂召募平時教育既乏臨事又視如秦越故前歲如樂平去秋如萍鄉兵之所駐動爲民害無紀律之師民畏之如虎今此法行皆由本地土著感情既重復加教練自無一切諸弊其利六也有此六利可知徵兵之法雖仿取外洋整軍之通策實爲地方自治之良猷現由練兵處咨准舉行在案南洋蘇甯常鎮通海各屬次第開徵人情踴躍安徽現亦接續舉辦贛省旣流域攸同豈得向隅獨抱蓋長江天塹不可不聯指臂之用所幸老營尙不至爲客軍盤據舉措似易爲力大帥碩畫良謀用軫民膜無俛芻言以爲鼓吹惟生肄業甯垣情關桑梓旣歆切同情之鼓舞豈能


無故土之綢繆爲此不得不冒昧上呈伏祈大帥體 朝廷尙武之經綸建贛民自強之軍職仿照江南就地徵兵之制咨明練兵處卽行就近試辦則善政庶無偏化而全贛胥被仁施矣除將仿取南洋章程草定徵兵條章十二則附呈候鑒外所有贛省亟宜仿辦徵兵原由理合具稟呈明是否有當伏希鈞鑒
安徽督練公所詳定新軍操場規則

新軍之設原以操練精進爲目的而操練之際尤以整齊劃一爲方針庶幾號令明而軍政肅藉振尙武之精神查本省武備練軍原有操場規則詳加檢閱尙屬有條不紊而常備軍甫經新設臨場操練未定規條似於軍政體質尙未完備茲經本司等查照練軍規則參酌損益逐加釐訂擬就教練新軍操場定則分列二十六條繕具清摺呈請鑒核 計開 一 春秋冬三季每日上午下午出操兩次夏季每日上午出操一次每次以兩點鐘爲限均按星期開明課程表以示遵守如演習野操及行軍射擊不在此例 一 傳操號令於出操前十分鐘先發預備號各棚正目一聞此號卽督率兵士整理槍械服裝無論包頭草帽各按其時預爲準備俟發第二次號令卽行出操各兵士依次成列先由各棚正目將到操人數報知排長排長查明一排之數報知隊官隊官復將一隊總數俟到操場報知管帶 一 口傳命令聲音務須洪亮語言不可過繁瑣俾衆易聞以免舛誤 一 平時教練又須反復訓導務使各兵士心領神會勿憚煩勞 一 演習野操及行軍射擊等事全隊人等悉聽指揮官指授機宜隨地隨時臨機應變心目中總以如臨大敵爲要各隊演畢後齊集於長官處長官則隨時講解何處何人是否合法以資考證

而求進益 一與敵軍開戰無分日夜更不能預知時刻每月須於夜晚或就寢後忽發成隊號令一二
次各兵士無論已寢未寢一聞號令立時成列服裝軍械尤須齊整速者賞而遲者罰 一出操時無論
官弁兵士不得臨時請假即使因公出差及患病入等亦須於出操前數刻預爲呈報俟查明屬實方可
准假 一兵士必以官長爲表率官長出操尤須振刷精神盡心教育服裝軍械尤貴整齊俾各兵士知
所趨向 一軍中等級大小不同然各有應盡之義務如次級者經長官派充上級之事卽當盡上級之
責任凡有操場教授約束等事與上級同 一全隊已到操場列成橫陣編定號數各隊官卽將到操人
數報知管帶管帶卽時查明各隊所報之數是否相符並查明服裝軍械有無不整之處 一兵士已至
操場凡有上官到操皆宜立正注目以表敬禮上官亦隨時答禮下級之官遇上級者亦然必俟有少息
之令方可少息卽使平等官階彼此相見亦須敬禮以肅軍容惟已開操後不便行禮者不在此例 一
教授各項操法均按星期開列預定表內然或有隨時傳知者亦或有臨時更改者俱不必按表施行然
惟視統帶管帶之命令一體遵行非下級等官所可擅改操畢之後仍將所改課程註明表內以備稽考
一開操時或有客憲到場須另演各項陣法卽傳知各隊遵行不必仍按定章操練 一合營口令總
須一律自官長以及正日皆須平時熟練庶臨時接喊方無錯誤每遇野操時遠聽口令不能明悉排長
正日均應相遞接喊 一操演時一聞立正口令卽須端莊正立毋得偏倚以及左右顧盼搔癢吐痰等
事稍有亂動勢必參差不齊有違令者隨時酌罰自隊官排長以及正日亦不得擅離應立之地以便約

東 一兵士聰明愚拙賦質不齊愚拙者必詳細教導不可憚煩既教之後如仍不合法卽按名提出反復訓練總期一律方可倘依然錯亂漫不經心回營後必嚴加懲罰再各兵士之技藝或高或下其學習時或勤或惰以及大小過犯均由各隊官隨時登記月終時彙呈管帶按其優劣分別升降以示勸懲

一兵士或在操場驟得病症以及大小便等事均須稟知排長隊官方准出隊如無事擅離或隨意蹲踞嬉笑自若甚至交頭接耳者該隊官排長卽須立時申飭回營後必從嚴懲罰 一上官發命令時或解說各項操法下級等官與各兵士皆須立正敬聽俟有少息之令方可隨時歇息 一聞解散聚合口令務宜急速變換遵令而行不得喧嚷零落方可整齊劃一 一無論路遠路近天晴天陰亦無論背槍携槍等時在路行走總宜齊整毋得錯亂 一各兵士當未出操之前看天時冷暖以定衣履若已到操場卽不准隨意穿脫 一操場上須禁閑人行走恐有妨礙如有要公應先由衛兵報知統帶或管帶官方許引入 一無論操場野外及行軍時或遇風雨上官未有改期命令不得擅請改期至所派攻守斥候跑越築壘及埋伏誘擊等事均與實遇敵軍無異不得視爲兒戲 一各隊兵士同時行走均按號而行不得先後零落快慢不齊到操場後號兵亦不准擅離聽候調用 一在操場忽遇暴雨雖有跑走命令仍宜肅靜毋譁總之無論何時或走或立皆以口令爲準不可自便 一體操場所設各項器具活筋絡增氣力亦外場之要務均須依法演習不得視爲兒戲致有疏忽



財政

工部奏核銷長江水師金陵湖口兩船廠修造長龍等船用過工料銀兩摺

奏爲核覆長江水師金陵湖口兩船廠修造長龍等船用過工料銀兩彙案具奏仰祈

聖鑒事前准兩江總督臣魏光燾臣周馥咨據江南鹽巡道徐樹鈞潘學祖等先後申

稱案照光緒二十六二十七二十八等年長江水師金陵湖口兩船廠支領修造戰船工料等項銀兩造冊咨部核銷等因前來臣等查冊開長江水師金陵船廠光緒二十六七
八等年瓜州鎮標各營新釘舢板船十一隻修整長龍領江船十六隻大小舢板船五十
三隻共船八十隻發給舢板繩索四十八船並輪換風篷等項共用銀二萬二千一百七
十九兩四錢零一釐四毫七絲五忽又釘造大小礮架共用銀七百兩零七釐五毫八絲
至冊開金陵船廠光緒二十六七八三年分修整廠棚廠屋暨工匠住棚等項共用銀一
百八十八兩三錢二分二絲又湖口船廠光緒二十六七八等年提標鎮標各營新造長
龍船四隻舢板船四十八隻修整長龍船七隻大小舢板船九十二隻共船一百五十一
隻並支給篷布繩索等項共用銀四萬四千六百八十四兩二錢四分一釐三毫七絲五
忽又新造礮架共用銀一千四百四十八兩八錢九分七釐九毫六絲至冊開長江水師

湖口船廠光緒二十六二十八兩年分修葺廠屋住棚等項共用銀一千一百九十五兩五錢八分七釐三毫五絲又金陵湖口兩船廠支用油燭紙張筆墨並拖船上下用藤繩油板等項共銀一千零八十二兩九錢一分八釐以上計二十六年請銷銀三萬五千七百九十三兩九錢一分三釐零二絲二十七年請銷銀二萬五千一百二十三兩七錢九分九釐一毫六絲六忽二十八八年請銷銀一萬零五百六十二兩六錢六分一釐五毫六絲五忽臣等按册查核均與該督咨報立案計開價值銀數相符應准一併開銷再查金陵湖口兩船廠修造船隻工料銀兩向由該督分年造報照例請銷前因光緒二十五年分銷册不符礙難越案辦理當經行查去後今於本年十月間始行更正到部已於十二月初八日奏請准銷至二十六七八等年該廳修造船隻用過工料銀兩既據該督册報到部自應分年列款彙案准銷以清積牘嗣後仍應按年造銷合併聲明所有臣部核覆長江水師金陵湖口兩船廠修造船隻等項銀兩彙案具奏緣由理合恭摺具陳伏乞

皇太后

皇上聖鑒訓示謹 奏奉

旨知道了欽此

但觀察考求東洋銀行大略情形上鄂督湘撫說帖

憲台
督憲
湖北委赴日本學習法政兼考求銀行事宜等因過鄂時復蒙宮保

訓勉備至飭將財政事宜細加體察抵東以後遽於銀行一事先爲考求查銀行爲經國濟民之要彼邦人士卓有專科徒事調查恐不足以得其要領因懇 欽使楊轉商法政大學特開銀行講習科聘法學博士山內正瞭講授理論勸業銀行員法學士多賀義三郎講授實務三菱銀行員商業學士田村秀實講授簿記所有開辦情形前已稟明撫憲憲台在案職道聽講之餘嘗往各銀行參觀與其邦經濟大家添田壽一澁澤榮一等相過從藉資考証方冀悉心研究洞澈根源不料遽以丁憂回國德薄命蹇有負憲恩所幸數月以來且問且學於日本財政之綱要銀行之規模尙能窺其大略 朝廷注重理財戶部銀行既已設立江甯銀行將次舉辦湘省當粵漢之衝值鐵路敷設之日勢必設立銀行以爲機關職道既有所見聞自應縷陳以備採擇但其業務繁多不勝枚舉謹撮大要爲我憲台陳之查日本全國銀行統計二千三百八家資本五億二千六百七十二萬七千五百元共有四種一合名會社無限責任也一合資會社一株式合資會社皆半有限責任半無限責任也一株式會社全有限責任也所謂有限無限者在破產時其賠償以股本之內外分不在設立時以股本之多寡分也日本各銀行無論官設民設大概皆株式會社卽中央銀行亦然其供商業之資本者則以動產爲抵當動產者國債証券公債証券社債証券株券是也其供農工業之資本者則以不動產爲抵當不動產者土地房屋礦山等是也業務各異故性質不同約而言之可分二大派一中央銀行一地方銀行中央銀行全國只有一所卽東京之日本銀行也以統一爲方針爲全國銀行之母資本三千萬元有發行紙幣之特權與政府有密切之關係所負

之義務甚重凡政府借銀行款項額在二千三百萬元以內則無利息又如橫濱正金銀行於外國滙兌
貲本本有欠缺時中央銀行必以低利貸之額在二千萬元以內其利息不能過二釐又國庫之出納銀
行代理者不取手數料蓋以其紙幣之利大故所負之義務重也至於政府之監督則大藏大臣特設監
理官專調查其所營之業務有違背條例者則禁之株主必本國之上等人轉售株券其人必經大藏大
臣之認可蓋恐其售於外國人因投重貲以握總會議決之權而不利於其國也銀行之中有庫發行紙
幣二億餘則中有藏金一億九千餘以作準備而昭信用平時則以再割引供地方銀行之通融恐惶時
則出巨貲以維持市面故自有中央銀行商業之機關始靈通而財政於是有樞紐矣此日本銀行之大
略也所謂中央銀行者如此在一地方之內而爲農工商業之機關者爲地方銀行不能發行紙幣而專
營預金割引貸付爲替之業預金者人以金存於銀行而生息者也割引者以期票與銀行照日扣息而
先得現金也貸付者借金於人也爲替者滙兌也凡此者凡地方銀行之事而中央銀行不爲者也但其
中有所謂普通銀行者專注意於商業而爲短期之貸付有所謂特別銀行者專注意於農工兩業爲長
期之貸付其位置雖居地方之內固儼然爲全國農工業之總機關故亦以特別名茲請先言普通銀行
其貲本無定額但遵政府之法律卽可以設立設立之後須將其財產及方針登記於裁判所凡預金割
引貸付爲替皆爲之預金有四取用有一定之時者爲定期預金時存時取者爲當座預金婦人孺子所
存亦時存時取者爲特別當座預金一名別口或小口當座預金先知會而後取用者爲通知預金割引

有二扣息而與現金者爲普通割引期票不足信而加以抵當品者曰保證割引貸付有四以動產作抵當者爲擔保貸付無須抵當以人作保者爲保証貸付無須抵當無須保証專信其人者爲信用貸付預金於銀行而所用之數忽過於所存之數而仍須抵當者爲當座貸付爲替有四滙兌者爲送金爲替電滙者爲電信爲替甲地之甲購物於乙地之乙乙既以物由輪船或火車運交於甲乃出期票至銀行割引銀行卽托其地之支店取金於甲者爲荷爲替先在甲地用金後在乙地取還者爲逆爲替是皆與中國票號錢店同所不同者中國航路鐵道尙未交通故荷爲替甚少至貸付必須抵當預金五元以上卽有利息固爲預杜倒塌獎勵貯蓄起見亦由於國小民貧所致考諸歐美皆非如是此普通銀行之大略也請進言特別銀行其一則日本勸業銀行專供農業之費本工次之自五年以至五十年之長期貸付而用年賦償還法年賦償還者連本連利分年平均而償還也凡全國之開墾植林排水灌溉築堤屬於農業而須興大工者皆仰給焉其資本一千萬元株主無本國外國之限制其貸付多以田地作抵當仍由本人耕種長年利息不得過七釐凡普通預金利息亦有至七釐之時出入僅可相抵則銀行無利故此等銀行不收預金政府特許其發行債券每張額數二十元金額可發過資本金四分之一之十倍長年給息四釐五毫每年分二次償還以四十年償盡平均計算每次應還若干張則以籤捐開彩法行之中頭彩者可以二十元得千元以次遞減其最後者亦能得本及利蓋於四釐五毫之外又以五毫爲割增金以引動人民希望之心以樂購此債券也又有各地方之農工銀行府縣各有一所皆爲勸業所統

屬其資本定額二十萬以上以供給小農工家爲目的利息較勸業稍高爲三十年以內之貸付至多得過萬元亦能發行債券額數不得過資本四分之一之五倍惟無割增金耳取之於民仍以供民之用故民無怨言而政府遂藉以振興農業而培國家之根本此日本勸業銀行及農工銀行之大略也其一則日本興業銀行專供工業之資金農次之而又兼及於外國資本亦千萬元其貸付則以動產及遵法律所設之財團如工廠公司等之不動產作抵當又有信托之業務可以代人募債代人收租代人保護重要之物品亦能發行債券過資本十倍償還法割增金皆與勸業同自有此銀行國之工業始漸發達而又膨脹於外國朝鮮之國庫卽該銀行所經理大冶鐵礦抵當二百萬亦該銀行所爲也此日本興業銀行之大略也其一則貯蓄銀行專以獎勵國民貯蓄心各地方皆有一所資本額定三萬元以上非本地人不得爲株主政府以其金出自貧民利息頗重年一分二釐半年一付其未支取者下半年仍作本生息并須預購國債証券存於政府如其破產則代爲償還管理人之責任甚重交卸後亦須擔責任二

年今該銀行統計預金四千餘萬元合之日本人數每人不過一元而其影響於農工業者甚大集中下人不急之資以爲社會有益之用此貯蓄銀行之大略也他如橫濱之正金銀行則以外國貿易爲目的與普通銀行同點者最多北海道之拓植銀行則同於農工銀行台灣銀行則合中央地方之組織而爲之蓋其社會情形不同故組織不得不稍異是又特別之特別者所謂地方銀行者類如此以上所舉日本銀行略盡如斯其目的雖各異而其爲金融界之機關以輔助國家財政之運動則一也夫日本以區

區三島所以雄於地球而與歐美并駕者固由兵力之強而其所以能強兵者則由理財之善當明治之初亦曾設商法司通商司以理財政卒以無效至於裁撤既乃設造幣局於大坂派伊藤侯於美洲一經調查旋即更改未及十年大小銀行遍於全國礦產鐵道因以開築甲午之役日俄之戰輸糧餽餉運用無窮卒成大功使其國度列於頭等謂非銀行何克臻此中國地大物博甲於環球財力之富左右世界恢恢有餘乃國帑空虛動輒支絀貸於英貸於美貸於比甚至貸於日本日本之貧誰不知之今以極富貸於極貧良由銀行未興機關不靈人民財產半藏於家否則存之外國銀行藏之於家不過以國家有用之財置之無用之地存之外國銀行則外人反得以利用其巨款而收吸我之鐵路礦山我欲敷設鐵路開採礦山反欲借資於外人太阿倒持利源外溢莫此爲甚且銀行不興紙幣斷無規則此省紙幣不能行之彼省而滙豐正金之紙幣遂得由通商口岸而行諸內地我至彼國必須挾金以往彼來我國只須携紙而來門戶日開交通日繁各國競言殖民人亦何憚而不來吾土哉故今日銀行之設誠爲莫急之要務矣乃者戶部銀行既已設立通商大埠皆有支店將來紙幣必能通行足資抵制惟各省路礦必由本省籌辦斷不能由戶部撥款此時若不預籌將來何以支應日本添田壽一有言曰中國幅員太廣鐵路又未交通若僅恃一中央銀行以統制各省萬難收指臂之助必也各省設一中央銀行以屬於京師之中央銀行然後於通商口岸設立外國貿易銀行腹地各省遍設農工及貯蓄銀行庶可以供策應而臻完備其言誠然但中國內地情形有非外人所能盡知者竊以爲各省固宜設立中央銀行而其目

的業務則當各隨其所宜如湘省當鐵路未成之時商業難望發達設立銀行當採日本勸業興業之制以路礦爲目的而兼營農工俟鐵路成後再行擴充職道生長湘省休戚相關值此需財孔亟之時斷不敢自安緘默惟要旨繁多筆難罄述所有各銀行章程須覓通曉東文者方能譯出倘蒙垂詢再當續稟職道但旭旦謹呈

商務

戶部奏遵旨議覆米禁展限並擬確查米捐摺

奏爲遵旨議覆米禁展限並擬確查米捐恭摺仰祈聖鑒事署兩江總督周馥

等電奏請米禁展限等因十二月二十三日奉旨周馥電奏請米禁展限等語著戶

部議奏欽此欽遵由軍機處鈔交到部同日又接該署督電謹分晰爲我皇太后

皇上陳之據電奏內稱查此次上海開弛米禁爲日未久又值北洋冰凍商船停運

出米無多來米壅積米價反跌貧農未沾實惠似應予展限三個月以順商情而蘇民困

等因臣等訪查本年十月間該署督電奏江南之米上海爲出口大宗江北之米鎮江爲

出口大宗本年二月鎮江一口及仙濠兩處既經會奏暫請弛禁在案現上海最高之米

價僅五元自應查照前署督張之洞等奏定辦法卽行弛禁漕運民食所關亦不可不慮

應請弛禁三月照按新約先期出示封禁仍隨時察看情形辦理等因當經臣部議以原

電請弛禁三月計算介在冬春難於限斷應令截至年底爲止限滿無論如何所有江南

江北之米一律不准出口在臣部之意以大江南北事同一律鎮江仙濠等處既已暫請

弛禁上海開禁亦屬無妨而均在禁令暫行寬弛之例仍應統示限制是以具奏奉

旨允准後卽錄奏咨行外務部轉飭稅務司各關放米運行一律截至年底爲止既據該署督奏請將上海米禁展限三個月自係爲益農商維持市面起見應請 旨飭下兩

江督撫所有江南由上海出口之米准其截至明年三月底爲止過此如內地民食青黃不接之時不得再請展限其江北由鎮江出口之米查係本年二月開禁將近一年本難再予展限惟江南江北屬境毗連未便歧異並請 飭下該督撫將江北米禁一律展

至明年三月底爲止限滿亦不得再行請展以重地方民食再據該署督來電內稱上海開米禁自十一月十五起至十二月十六止共收捐關平銀一萬四千二百餘兩查此捐名平糶義捐原爲存儲備荒乃前署督張之洞奏每石收規銀一錢四分四釐嗣徇衆商之請減去零數共收一錢改爲關平若洋商清單運米照章無捐至修中牢之費若仿西式買地擴充須四十餘萬兩每年歲修十二萬兩驟難措籌今但將原有男女監所加高補苴完固收拾乾淨大約三五萬金可以修理卽動現存之一萬四千餘兩不足之數俟明年展期收捐奏用等語臣等伏查二十九年正月間臣部外務部會奏江海各口現籌運米辦法第四條內稱署兩江總督張之洞等奏蕪湖運米出口於應完關稅外江皖兩

省每石各另抽米釐銀一錢四分四釐米商遵繳無異行之已經七年茲擬於米價平減

之時凡接濟鄰省之米准其出口惟於米行未賣與販商之前酌抽備荒經費每石一錢由米行認繳以備荒年平糶之需此項經費出自華商與洋商無涉與關稅亦絲毫無涉至江北之瓜壕仙女鎮鹽阜海贛等處係屬內地情形與上海不同所收義捐均照蕪湖章程分別辦理外務部查前因上海道於出口之米酌抽捐項迭准各國駐京使臣照會以爲稅外加捐有違條約當經電知南洋大臣轉飭該道撤銷捐章在案今該署督等稱酌抽備荒經費一節礙難准辦應請毋庸置議等因奏准行知該督撫遵照在案本年十月間據該署督電奏內稱上海米禁請弛三月並仿蕪鎮成案凡米麥報運出口除關稅外分別帶繳義捐甯蘇各半留充地方公用等因當經臣部議以江皖各另抽一錢四分四釐則是每石合捐銀二錢八分八釐請將關稅外所帶繳各該省義捐嗣後以銀一錢提解部庫四分四釐留充該省公用垂爲定章並不准另立名目格外加收等因奏准通行亦在案茲本年十二月間據該署督來電稱洋員謂中牢不合衛生華人謂西牢酷虐現派員先查中牢擬卽整頓擴充苦無經費查米禁已弛照外務部光緒二十九年章程不收米捐前奏收米捐戶部議覆酌提今查洋商仍不納捐未可與辯滬道現喻華商每石捐一錢擬將此款儘數修理中牢之用將來核實報銷等因復經臣部電詢所稱華商

捐一錢是否卽係每石捐銀一錢四分四釐之內抑係另抽經費一錢等因去後旋據來電覆稱此捐名平糶義捐原爲存儲備荒乃署督張之洞奏每石收規銀一錢四分四釐嗣徇衆商之請減去零數只收一錢等因臣等參觀前後奏案電文似每石繳各該省米石銀一錢四分四釐是一事每石抽備荒經費銀一錢又是一事今該署督既稱奏收米捐洋商仍不納捐華商每石捐一錢則是明明指二十九年會奏內所駁之備荒一錢而言也旋復稱平糶義捐存儲備荒每石收規銀一錢四分四釐嗣減去零數只收一錢則又似米商歷年遵繳之米釐作爲現時華商所捐之備荒經費混兩事爲一事也究竟燕湖章程江皖兩省各另抽米釐銀若干該署督前此所稱江北開禁照蕪湖收捐此次上海照蕪鎮收捐有何畫一章程本年冬季蕪鎮上海鹽阜海贛等處各收前項捐數若干華商每石認捐一錢有無窒礙臣部均難懸斷擬請飭下兩江督撫將臣部指查各節迅卽詳細查明先行覆奏以便臣部斟酌辦理再本年十二月十三日軍機處鈔交署兩江總督周馥等眞電奉旨外務部呈遞周馥陸元鼎電據稱擬將上海所收米捐作爲修理中牢之用等語著戶部議奏欽此欽遵鈔交到部據原電奏稱現因出米無多

月餘收捐甚微若開至明年收數稍多擬將此款儘作修理中牢之用等語既據該署督

兩江總督周馥等真電奉

旨外務部呈遞周馥等元鼎電並稱揚州一海戶此

作為修理中牢之用等語著戶部議奏欽此欽遵鈔交到部據原電奏稱現因出米無多

月餘收捐甚微若嗣至明年收數稍多擬將此款儘作修理中牢之用等語既據該署督

養電聲明中牢修理即動現收存捐銀一萬四千餘兩不足之數俟明年展期收捐湊用

等語業經臣部議准米禁展限此項修費自應懇 恩准在米捐項下動用合併陳明

所有臣等遵議米禁展限並擬確查米捐各緣由理合恭摺具陳伏乞 皇太后

皇上聖鑒訓示謹 奏光緒三十一年十二月二十七日奉 旨依議欽此

盛京將軍趙札委勸諭出洋紳商經營東三省商務公文

為札委事照得競爭世界商戰為先中國商務不遜於列邦而尤以出洋華商為特色近自港坡遠至美
澳莫不有華商足迹苟無華商試問該鎮埠成何景象信用之廣工藝之優堅苦卓絕中外傾服每歲滙
寄資財數億萬計挽回利權於無形之中裨益中國實非淺鮮 朝廷洞鑒斯情 明詔保護優詞褒許

期望殷勤上以誠求則下以誠應於是魁奇豪傑投袂奮興如煙台釀酒公司之設立潮汕鐵路之經營

閩廣農工礦之督辦是為志士經營中國商務之始猶惜其偏於一隅而影響未被於全國也奉天西數

北洋東聯吉黑南踞遼海北帶蒙疆大陸茫茫無非沃野山川縈帶水陸交通礦產富有森林繁殖穀果

競茂魚鹽擅饒天然之利人為之品細大不捐更僕難數有調查上等商務者各省占什之三而東三省

居什之七如此天府之國經商者不於此而何之本軍督部堂奉天留守之日正兩國和約告成之年從

此西伯利亞鐵道暢行萬國通商之埠廣關歐亞樞紐繫結於此昔祇為中國根本之重地今則為各國

商務之中心如此而不爭是謂放棄其責任國人奉此以詰責本軍督部堂直無詞以對故本軍督部堂

不能不屬望國人而尤不能不屬望於出洋人士以合羣力而謀公益當務之急是爲最先將命之使今
難再緩查有奏調奉天翰林院庶吉士熊希齡品學兼優博通經濟現在先隨 欽命出洋戴端大臣考
查政治取道南洋經乎歐美於是本軍督部堂懇款之熱誠難言之曲隱以及東三省之狀態商務之情
形遂得全託該紳爲代表以達於出洋諸紳商之前合亟札委爲此札仰該紳遵於調查政治之餘暇遍
訪洲埠紳董民善爲陳說廣事招徠人有母國之思孰無故鄉之愛中國一家東三省卽閩粵也論公誼
旣應共謀論私情不容膜視所願競投資本各出技能惠然肯來爭先恐後大者農工路礦糾股經營小
之工藝營運隨宜創述本軍督部堂保護提倡責無旁貸並爲嚴禁官吏需索以及種種病商之弊決不
使商家有愁苦之態懷折閱之憂彼君子兮嚙肯適我慎勿以東省爲遠而裹足不前一葦可航同胞何
隔比諸南洋美澳孰遠孰近見機宜早遷地爲良又况異域之與宗邦得失取舍當無待智者而決矣本
軍督部堂所以屬望於出洋人士者至殷且迫所以爲奉省謀者亦至殷且迫語曰先發制人後發者制
於人兵法有之商務亦然該紳此行又出洋人士與奉省之絕大關係也該紳其好爲之特札

上海道札會丈局文（爲查勘自開商場地址事）

照得新開浜北西鄉二十七保十一圖地方與對岸舳板廠僅隔一水鬧靜迥然不同光緒二十九年十
月間據粵商陳紹昌等擬建造橋梁接通租界並在沿河浜興築馬路以期商市可以漸臻繁盛稟經本
道一再飭據朱令枚查復該處係二十七保十一圖跨連十圖十二圖按該指定四至東至太陽廟新開

官路西至蘇州河南至蘇州河舳板廠對岸北至長浜約計地三千畝另迤南沿河一帶均係粵商產業此外他商之地約計三分之一腹內間有民地爲數無幾等情稟蒙兩院憲批准飭遵旋因陳紹昌等有事回粵另舉祝承桂接辦祝承桂病故又公舉前湖南岳常澧道錢康榮辦理均奉督憲先後批札茲復蒙飭派徐道乃斌會同錢道暨木道查明情形仿照南市馬路妥議辦法商界亦以力薄情愿改歸官辦詢謀僉同事關開闢華埠必須預爲考察究竟四至方圓若干里其中何處人民之產爲多民地之外有無官地分別丈量簽明該公司現已購地若干現距朱令查復之後又閱兩年情形有無更改商市能否振興合行札飭札到該局即便遵照剋日會同徐董鍾標前往查勘據實詳細稟復以便商辦毋稍刻延切切特札

第...號

...

...

...

...

...

...

...

來稟於罪犯習藝一事辦理極爲得法惟該習藝所工程已費四百餘串皆由縣公墊發稟稱俟將地方前存餘款追出彌補所存何款究有若干追自何人何年侵蝕稟詞含糊殊蹈州縣油滑習氣認真辦事者必先籌的款而後動工既有可追之款則必稟明著追遇事捐廉乃一人要好之心非經久之法也至罪犯習藝卽古人城旦鬼薪之意滬上西人凡遭事管押者皆罰作苦工與學徒習藝者不同來稟謂鎖繫之會匪竊賊應否卸去鍊石以便工作查此項鎖繫之犯大半皆稔惡之徒去其石杵立可免脫出外生事尋仇仍歸於該令不了吾華人格尙未到歐美地步學其寬弛難化狼心不必在惡人身上施恩惠也繳圖摺存

批洵陽縣詳辦副貢姜善繼上控舉人屈三省等一案由

查此案經本司批結後於本年四月十七日發西安府轉行洵陽縣遵照批示將屈三省等虧款著追將張鵬程李夢彪等分別詳革計府札到縣之日至遲亦在五月以內該令延至十月二十八始行具詳本司前批夢彪試卷謂該令形同殛殲良非虛語該令老實無用在無事之日亦可溷迹琴堂當變法之時實屬不堪委寄試觀此一事因循半載則訟詞之積壓兩造之拖累公事之廢閣合衙門上下人等之但弄錢而不管事概可知矣本司嘗謂老好人斷不可作官卽指辛干張桂一輩人言也辛令安洵兩任接算業已年滿是以亟委替人其實安康劉署令與該令易縣而治何以獨不接算此無他劉令有用該令無用故也有用之人雖姜善繼一案偏謬不明而其他諸多可取若辛令無用則惟有歸讀木雁篇而已

此詳一切照准惟李夢彪文字究竟可愛且年紀甚輕若自知悔過尙是可造之士仰後任李令傳語姜副貢念其久在門牆收錄而訓迪之本司之願也繳

批興安府党守稟遵查白河縣千令長華現在情形由

所稟千令爲門丁李玉所誤一節似屬可信本司用人有何成見凡在外各牧令考其公事證以輿評凡所撤參舉由自取大凡無才無能之州縣率視家丁如手足腹心否則奉書差爲名師益友千令屢瀕於危受本司譙讓無算何一非迷信劣丁所致又如武功高令前因丁胥舞弊幾挂彈章而此番因工藝廠籌費又令書辦經手收錢此在稍懂公事者斷不肯令若輩操權而高令公然登諸稟牘一若書辦萬分可靠也者武功與白河可謂魯衛之政矣總之人貴自立若干令果有明決之才雖百李玉何害否則去一李玉而來者且不止十李玉也若教襄姐逢君子都是周南傳裏人姐己不幸而遇紂李玉不幸而遇千長華嗚呼人顧可無用乎哉惟既據該守稟稱現在該令深自悔責暫免撤任以後察與所稟不符必併該守一齊譴斥仰仍隨時查看切勿代人受過此繳

批咸陽縣楊令調元稟籌修街道石路工竣由

平治道途地方官所有事也不請款於上則事前不勞委勤事後不必報銷鄙人作令時凡地方小小修營皆捐廉爲之並不使上台知道誠以一經上稟請款請示則書辦擬批幕友核稿其批詞總似以不肯待屬員幸而批准而領款有折扣委勤須應酬其討厭有不勝言者該令於咸陽城內路工官紳籌議自捐自修直待竣工一稟完事深與鄙意相合稟詞樸雅蒼純無一怪眉怪眼之字尤爲可喜此繳

果瓊拉 二峽在定日南在協各爾官寨迤西數里實爲協各爾之門戶
達克拉平山 山離扎什倫布六十餘里儘可設伏爲後藏之門戶保障
朗拉山 後藏之重門保障也仿八陣之法於嶺頭堆立鄂博六十有四

咽喉之險第十四

拉里 在達隆宗西北二山危峻三水會同實又木多與西藏中通之咽喉也

又木多 路通六詔壤接三巴係羣番之要隘西藏之咽喉蜀商滇客輻輳相聚漢彝雜處多滋繁擾呼
吸相應大費經營

扎什倫布 其西南左有薩迦溝內之曲多江鞏右有彭錯嶺之峭壁連岡是爲後藏咽喉實天然要隘
也乃辛亥年廓爾喀以步卒數千人自聶拉木走薩迦溝直抵扎什倫布後時果有現在之漢番官兵
劃分兩路一赴曲多江鞏以扼其前一赴彭多嶺以探其後則廓爾喀深入無援可以不戰自潰

玉樹 在拉里係咽喉地

中渡 控扼之要津蜀藏之咽喉也

附

打箭爐 在四川四面皆山實西南之鎖鑰藏衛之咽喉也

通衢之隘第十五

江卡 在甯靜山西一百九十里爲藏爐大道係巴塘乍雅之中途

昂喇山 在乍雅西北甚險進藏要道

察木多 道通川滇二省其北河有四川橋南河有雲南橋

裏角大山 在扎木多兩山環抱左右有大木橋東走四川南通雲南西通西藏北通青海乃四達扼要

之區

類伍齊 由草地進藏之要道也在扎木多西北

洛隆宗 在類巫其西南其地有嘉玉橋爲藏爐通津西海入藏之要隘也志所以言二山對峙兩水合

流西藏孔道也

碩班多 四山環繞二水合流進藏要路也

林拉山 在拉里爲哈喇烏蘇大道直通青海自準噶爾車零敦多布侵佔西藏該地黑喇麻助逆助謀

陰遺番人截要軍糧卽此

大河橋 在工布江達之磔巴宅後十里係入藏通道

墨竹工卡 地無深山大壑東接喀噶南通桑野西連得慶北距番多所轄冰巴與潘多接壤爲西海要

隘北有二河一自末戎分流一自潘多分流東有一河由鹿馬山下至拉敦合北流歸入藏江其源俱

出哈拉烏蘇而設渡在於八木地方通達子宗爲西海要津

江孜 在前藏西南後藏東北面山背水爲藏衛交通之重地地方與定結帕克哩噶爾達相通爲布魯克巴哲孟雄宗木等處部落來藏要路且自江孜至薩迦溝行走又可繞往聶拉木一帶邊界

定日 在朋主藏布江之東通拉岡里山之西爲聶木濟隴絨轄薩喀等處入藏要路蓋後藏極西南四通八達之藩籬門戶也乾隆五十八年副都統成德奏爲地方遼闊實爲緊要其轄木多通絨轄小路擦木答杏通宗喀大路古喇噶木炯通聶拉木之小路宗喀同之五處要隘每處設定瑋一名番兵二十五名在五十七年大學士福康安設營汛已派委守備外委把總各一員兵四十名番兵五百名矣薩伽嶺

春堆 二處在噶爾達地方均與廓爾喀相通設有卡隘

擢拉山 在定結設有卡隘與廓爾喀哲孟雄相通

哲孟山 在帕克里地方與布魯克巴相通設有卡隘

哈爾山 在帕克里地方設有卡隘與布魯克巴小路相通

宗木山 亦在帕克里地方設有卡隘與宗木相通

騰格里溇爾 在布達拉西北百里爲準什噶爾入藏之要路一蒙古語謂天日騰格里猶言天河也西

接後藏周數千里其北岸有大山橫亘重阻準什噶爾入藏之路也昔拉藏恃險不守康熙五十五年七月策妄潛師由此而入逕襲唐古忒其後防守甚嚴每年夏初駐防官兵防之冬時積雪封山乃撤

回年年如之

脇噶爾 在後藏極邊交廓爾喀爲四達之區亦西藏要隘地也

三桑 通拉撒札什倫布阿里之要衝也

噶爾渡 通三桑岡得寨之要道也渡在阿里

聶拉木 通桑墨爾拉脇各爾於內通廓爾喀於外之要道也

平川 卽新橋南通羊八井口西通後藏東接噶爾輶北行草地直至木魯烏蘇噶爾藏骨岔交青海界

通要之過也

古樹邊卡

春奔色擦 通沙蠻塘草地於內并朗路山大則竹貢寺各地又通類五齊於外昌都大道以此爲要途

增頂工 內由熱止寺通角子拉彭多河色拉寺拉撒招外由木魯烏素通西甯大道可達雲南

阿布拉 內通咱義桑阿卻宗瀾滄江各處外通南登大道

納克產 內通拉撒招外通鍋壁葉爾晃新疆大道甚要

堆噶爾 卽阿里宗城今爲邊商總滙之區

薩迦廟 在協各爾東南番人往來之通道也

拉固隆岡 在協各爾之甲錯大山西又西北越大山係唐古忒世家波絨巴游牧東連洋阿拉西接鞏

發施號令不盡稽古雖負堯舜之資終以不學爲累帝默然曰先生朕之陸賈也何以教朕府君承詔著興衰要論七篇每奏帝稱善然未具達也府君出爲昌樂令遷猗氏銅川所治著稱秩滿退歸遂不仕開皇四年文中子始生（傳甲案原文甚長今節錄至此止）

林傳甲曰文人所爲誌銘行狀壽序事畧之屬無不溯源家世其體實仿於世家文中子蓋世爲教育家者也世人但震其子福郊福時孫勃之文名而不求實際焉是以儒林文苑有列傳而教育家無列傳也文中子卒於唐初武德之年故唐人修隋書不錄其事杜淹之爲世家猶史遷之尊孔子元儒之傳道學也世家之名曠世而一見焉今人爲史學者於金石殘賸字迹猶取之以校正史况文中子著述具在子孫顯達信而有徵者乎朱氏一新無邪堂答問首辨文中子非僞書故近儒於王氏之學多推重焉

宋歐陽修五代史記南漢世家（節錄前幅）

劉隱其祖安仁上蔡人也（傳甲案上蔡今爲縣治屬河南歐公作史於此等處極表章中葉人物異於沙陀之東漢也）後徙閩中商賈南海因家焉（傳甲案閩中今福建省治閩縣南海今廣東省治）父謙爲廣州牙將唐乾符五年黃巢攻破廣州去畧湖湘閒廣州牙將表謙封州刺史（傳甲案今廣東之封川縣與廣西分界處臨西江上）賀江

鎮遏使以禦梧桂以西（傳甲案西江一名賀江梧桂今梧州桂林二府）歲餘有兵萬人戰艦百餘艘謙有三子曰隱台巖謙卒廣州表隱代謙封州刺史乾甯中節度使劉崇龜死嗣薛王知柔代爲帥行至湖南廣州將盧琚單玘作亂知柔不敢進隱以封州兵攻殺琚玘迎知柔知柔辟隱行軍司馬其後徐彥若代知柔表隱節度副使委以軍政彥若卒軍中推隱爲留後天祐二年拜隱節度使（傳甲案劉隱以累世積功爲南人所服受封於唐得國較正歐公特大書之云）梁開平元年加檢校太尉兼侍中二年兼靜海軍節度使安南都護三年加檢校太師兼中書令封南平王（傳甲案隱此時兼有廣西越南之地足以自立朱溫乃妄加封號以爲羈縻若唐之待藩鎮適自欺耳）隱父子起封州遭世多故數有功於嶺南遂有南海隱復好賢士是時天下已亂中朝人士以嶺外最遠可以辟地多遊焉唐世名臣謫死南方者往往有子孫或當時仕宦遭亂不得還者皆客嶺表王定保倪曙劉濬李衡周傑楊洞潛趙光胤之徒皆招禮之定保容管巡官曙唐太學博士濬崇皇之子以避難往衡德裕之孫唐右補闕以奉使往皆辟置幕府待以賓客傑善星歷唐司農少卿因避難往隱數問以災變傑耻以星術事人嘗稱疾不起隱亦

容之同替初爲龜管巡官秩滿客南海隱嘗師事之後以爲節度副使及龔僭號爲陳吉

凶禮法爲國制度畧有次第皆用此數人焉乾化元年進隱南海王是歲卒弟龔立（傳甲按龔初名巖）

林傳甲曰五季之亂南漢其漢族之錚錚者乎唐室藩鎮跋扈南漢獨奉朝命惟謹大臣出鎮者祇此一地耳隱雖自立猶奉中原正朔雖朱溫所贈亦受之至沙陀僭號後唐龔乃取飛龍在天之義建號南漢視南唐徐氏改姓以附於亡國之餘者遠過之矣昔劉淵之亂華夏南朝乃基命於劉裕及劉智遠之竊中原南粵又大敗於劉隱嗚呼漢家之德隆矣彼史臣所書爲大漢爲僞漢者千載後當有公論也

宋歐陽修五代史記閩世家（節錄前幅）

王審知字信通光州固始人也（傳甲按今州縣隸河南布政使）父恁世爲農（傳甲按說文恁徐錯曰俗言如此也）兄潮爲縣史唐末羣盜起壽州人王緒攻陷固始（傳甲按壽州屬安徽在固始東皆淮水流域猶同治時皖豫捻匪之事）緒聞潮兄弟材勇召置軍中以潮爲軍校是時蔡州秦宗權（傳甲按蔡州今汝陽府平原之中以水爲險）方募士以益兵乃以緒爲光州刺史召其兵會擊黃巢緒遲留不行宗權發兵攻緒緒率衆南奔所至剽掠自南康入臨汀（傳甲按今江西南康府福建汀州府地）陷漳浦

（傳甲按今縣屬福建漳州府）有衆數萬緒性情忌部將有才能者多因事殺之潮頗自懼軍次南安（傳甲按今縣屬福建泉州府）潮說前鋒將曰吾屬棄墳墓妻子而爲盜者爲緒所脅爾豈其本心哉今緒雄猜將吏才能者必死吾屬不自保朝夕况欲圖成事哉前鋒將大悟與潮相持而泣乃選壯士數十人伏篁竹間伺緒至躍出擒之囚之軍中緒後自殺緒已見廢前鋒將曰生我者潮也乃推潮爲主是時泉州刺史廖彥若爲政貪暴泉人苦之聞潮至其地而軍行整肅其耆老相率遮道留之潮卽引兵圍彥若逾年克之光啟二年福建觀察使陳巖表潮泉州刺史景福元年巖卒其婿范暉自稱留後潮遣審知攻暉久不克士卒傷死甚衆審知請班師潮不許又請潮自臨軍且益兵潮報曰兵與將俱盡吾當自往審知懼乃親督士卒攻破之暉見殺是歲唐卽以潮爲福建觀察使潮以審知爲刺史審知爲人狀貌雄偉隆準方口常乘白馬軍中號爲白馬三郎乾甯四年潮卒審知代立唐以福州爲武威軍拜審知節度使累遷同中書門下平章事封琅瑯王唐亡梁太祖拜審知中書令封閩王升福州爲大都府是時楊行密據有江淮審知歲遣使汎海朝貢於梁使者入海覆溺常十三四審知雖起盜賊而爲人儉約好禮下士

閩人以爲審知德政所致號曰甘棠港一傳甲按海上通商用兵惟港灣最爲根本重地雷電震擊或因內地火山崩裂而成非德政所能致也一審知同光三年卒年六十四諡曰忠懿子延翰立

林傳甲曰周之七閩遠隔句吳於越之表不通於衣冠之會漢武滅之遷其人於江淮閒後雖置東冶一縣猶羈縻耳永嘉之亂漢族南徙先晉安郡王祿公遂大啟莆田之系盛唐中葉九牧馳聲有宋南渡道學相望雖晉書不爲祿公立傳然子孫守祠墓者久而益昌中原人士咸以世家見推故子弟稍能自立者無不述祖德以互相策勵焉是以歷二千年而家聲不墜也王氏入閩在林陳鄭黃諸大姓之後子孫亦昌熾但各省王氏皆盛故不甚表見也宋史列漳泉留從效陳洪進於世家茲限於卷帙未錄今閩省番族獠民淘汰幾盡觀民族之興替能不自懼乎舊金山之西河堂林氏支祠也能以族制部勒同姓工商法度整肅不爲異族所撼嗚呼中國之世家亦當聞風興起乎

以上第六星期六小時講義

南洋
電報

南洋
電報